









墓志銘





重刊黃文獻公文集卷之九

門人 宋 濂

後學 虞 守 愚

溫陵張維樞子環重選
會稽王廷曾培菴補訂



墓誌銘

慈溪黃君墓誌銘

慈溪黃君卒于嘉興之寓舍其孤玠將返柩以葬來諭於某曰葬宜有銘敢以為請往者屬子銘吾母而子久未及為幸牽聯書之某之曾祖戶部公與君之大父宗卿府君同仕宋季夙有雅故而玠又與某託文字交誼不得辭君諱正孫字長孺姓黃氏世為明之慈溪縣人

元本卷
三十六



曾大父諱一鶚以子貴贈奉議郎大父諱震擢寶祐丙
辰進士第歷知撫州提舉江西浙東常平茶鹽其在江
西又嘗提點刑獄終於宗正少卿積階朝奉大夫父諱
祖勉蔭補將仕郎母林氏君生有美質雅志恬靜年十
二而宋亡卽絕意于仕進父歿事母盡孝與仲父季父
患難相從不異貲產逮今雍睦馨已橐嫁孤妹三人皇
慶癸丑出遊西州玠負笈以從嘉興縣東魏塘之上有
義士吳君聞君父子名遣幣馬迎致之君欣然弗拒遂
止居焉君履行端粹爲學者所尊慕雅不喜記誦辭章
之習文成無留藁晚自號尚絅翁以見其志云至正乙

酉正月七日以疾卒享年八十有一屬纊之夕戒其二子曰吾祖一部州符三持使節臬麻葛越之衣菜茹魚鮭之食澹素終身日抄等書今方盛行遺風餘祚彌久弗墜汝等善繼承之無忝爲清白吏子孫言畢而逝玠奉柩東還卜以某月某日葬定海縣靈緒鄉澤山之阜從先塋也君夫人陳氏諱潤字汝玉同郡奉化人父著宗卿府君同年進士由太學博士知台州公年二十出爲贅婿居十有七年乃歸夫人于夫婦之間相成以道執箕帚侍巾櫛無違禮治絲繭縫衣裳無廢事主饋食共祭祀無曠典而又不憚劬勩致養于姑得其歡心詩

書語孟及女誠女則等篇皆能成誦玠方幼口授以書
程督嚴于外傳尤喜觀易所占多驗間作小詩亦有思
致嘗爲二子賦詩若干韻有關於倫紀可裨於治化學
士大夫咸稱誦之君居魏塘之明年玠卽奉夫人來就
養以泰定丁卯十二月十日卒年六十有三天曆戊辰
九月某日歸葬奉化州剡源之三石子男二人長卽玠
次瑋女一人適戴幼儒故婺州路儒學教授帥初先生
之子也孫男二人會紹文女一人會孫男一俊民惟宗
卿府君以直道爲時名臣而其學一本於躬行所著書
不爲空言以相高公親傳家學不自表襮而教其子

玠克有成立遂以文名於一時世願罕有能知君者銘
不可以無作也銘曰

汲黯之直侃侃宗卿義方之訓聞孫是承戰兢自持以
孝謹稱如萬石君不言躬行學以爲己善不近名逮爾
嗣人復用文鳴發潛聞幽式鴻其聲惟石可久薦以茲
銘

化州路儒學教授王君墓誌銘

十四

化州路儒學教授王君諱勳字仲昭生十歲而孤能以
禮持其身以信義交於人貲產寘弗問而護視先塋惟
謹冠昏喪祭必考諸古之遺制而不苟同流俗文字之

稍

外無它嗜好宗族朋友稱焉仕未顯輒止而以壽終其
 賢乎人亦多矣君嘗教授肇慶遠郡事多率略學有田
 而無籍歲所入為租四百石而已君始至喻佃人令自
 實稍增其額為六百石廩食有餘而俗習鄙陋士氣弗
 張使者行部君請擇其知學而有文者試以經術辭藝
 得七人馬上其名于宣閩悉補儒學官由是諸生莫不
 知勸暨取士之令下廣海數十郡不薦一人而肇慶首
 以陳祖義充賦有司遂與中州之士並進於春官人皆
 以為君作興之效也君初以江山教諭遷慈湖山長年
 已垂四十又二十年乃拜肇慶之命及再調化州而君

已老故其才不究於用可見者若是而止人又皆深惜之蓋王氏上世有仕吳越爲鎮城使者從其王歸宋有宋田在睦州後徙家青溪又徙越之山陰始居青溪者曰仁厚於君爲九世祖曾王父諱遂良以恩贈訓武郎王父諱灝擢慶元丙辰右科終於武經郎權發遣鬱林州事父諱集當用蔭得官推與其弟而以布衣取鄉薦母汪氏繼母趙氏薛氏而君周氏出也自訓武府君而上皆葬山陰其居衢開化之馬金則自鬱林府君始山陰之最著者曰佐以進士第一至某部尚書君改葬鬱林府君子崇化鄉松公里之莊山尚書四世孫修職郎

易簡實誌之君卒於重紀至元之歲五月十四日年七十有七以至正改紀之明年三月十二日葬于鬱林府君墓左娶余氏先卒子男四人長曰壻次曰圻爲伯氏後次曰堪曰垆女一人適單父蓋士直孫男八人鉅鑑銖鑄錢鏃錡鈿女二人適汪某黃梓君葬有日堪以書抵某曰君之子辱婚先人孫女宜能道吾家世之詳敢以銘爲託某不得辭然竊觀自昔運去物改大家巨室鮮不隨之惟君之先厚積薄發雖閱世已久而流澤未艾君又廉於進取不盡享其有而以畀來人可託以永存者固不繫銘之有無序而詩之聊以慰君於冥冥云

爾銘曰

有濬其源其來不窮用之也舒蓄也愈豐有沃其枝遺
澤是蒙歸乎何憾矣茲玄宮

承直郎潮州路總管府知事孔君墓誌銘

西

君諱濤字世平姓孔氏先聖之四十三世曰後周曲阜
令襲封文宣公贈兵部尚書仁玉又二世曰宋給事中
贈太尉道輔又二世曰提舉江南西路常平茶鹽公事
贈中奉大夫傳南渡初自曲阜徙衢州又二世曰迪功
郎監潭州南嶽廟贈少傅行可則君之高祖也魯祖諱
從隆迪功郎祖諱應祥從政郎主管尚書刑工部架閣

文字入皇朝隱居弗仕考諱純西安縣儒學教諭以君
貴贈承事郎濟寧路同知交州事妣陳氏贈宜人君幼
有異質五歲知讀書八歲能屬文架閣公愛其敏俾
受業默齋留先生間出游郡庠別駕陳公剛中大奇之
年二十舉茂材異等一時名士大夫如求康胡先生吳
興趙公巴西鄧公無不器重焉婦翁徐聖之從事江東
憲府携君以行涿郡盧公柳城姚公前後持使者節君
皆爲之執弟子禮由是學益進聲譽益起用察舉署寧
國路儒學錄逮朝廷著取士令延祐元年曲阜首以君
死賦東平曹公子貞得君所爲古文歎賞不已是歲以

薦上春官所對傷太直且微譏切主司竟不合用特
恩補溧陽州儒學教授君既新其廟學而士多苦於徭
役爲白諸臺府悉蠲之七年再貢于東平未行江淅行
中書省辟爲掾史曹務雖劇君隨事緩急閔白以行訖
無所壅杭之商稅比歲不登俾君趨辦旬月而集時宰
以爲能而風紀之司頗欲躡尋其過誤後乃察其無他
事遂釋至治三年復試東平第一以泰定元年賜同進
士出身用有官超授從仕郎平江路崑山州判官未上
丁內艱服除改吳江州判官用覃恩轉承事郎被省檄
點浙東諸倉庫餘姚因仍前弊糧不宿倉官吏惶駭莫

知所為君知而不發使自為之所糧既充而官吏亦得
 自道乃皆感服君始視州事囚有張甲以擅殺盜錢乙
 坐逮獄已具君謂所殺非平民卒貸其死是饑民多事
 剽掠君設計捕致數十人謂此皆迫於凍餒而然不可
 以強盜論杖而遣之州瀕太湖故築埭以禦水繕脩無
 時病民特甚君為改作使可支久民力以紓水嘗暴溢
 君跣禱于市橋移時水降人恃以無恐而四郊之外有
 溺死者君親收瘞焉鄰州飢憲府俾君往賑之全活其
 衆御史蓋公耘夫率同院舉君治績為諸州最未報會
 霖潦害稼君所檢視當免輸田租者衆使者覆按左右

承風指誣君私庇之居無何誣君者以賄敗投遠方而
君得調桂陽州判官天大旱禱于神弗答君探獄有寃
出其無罪者三人乃雨廣寇竊發君獨任軍旅供億民
不擾而軍食亦無乏絕州民與蠻獠雜處素號難治知
州方思廣以貪虐啓其爭殺人寘弗問反加告者罪君
與之辨莫能直卽日解印綬去韓公德新乘廉車按是
州劾罷思廣勉君復留君單騎直抵獠穴諭以禍福皆
讐伏聽命人賴以安秩滿遷潮州路總管府知事用入
廣陞承直郎先是君在桂陽感未疾而歸疾稍間潮州
迂吏至乘傳行次武林驛疾復作移寓龍山保和僧舍

一夕卒至正二年四月十七日也年五十有七妻徐氏
封宜人子男一人思構女三人適張日新陳煥盛麟君
易簣之夕惟思構及季女在側發書笥得遺訓數十百
言凡身後事區處甚具思構遵治命奉柩涉江還衢州
以其年七月四日葬西安鄉孝悌里先墓之次初太慰
世父既襲文宣之封五世至端友與中奉公同南遷由
端友至洙襲衍聖之封者又五世至元十九年秋七月
有 詔令洙赴闕架閣公以族長被命與俱中道而
返洙獨入對廷議俾仍嗣襲洙力辭乃以爲國子祭酒
提舉浙東學校洙所居室扁曰存齋君惜其以存自號

自

而不能欽承——德意存其封爵因目稱存存齋云君
所為詩尚俊邁文渾厚不事纖巧有存存齋藁未及詮
次惟闕里譜系一卷為成書君九歲時祖母黃氏有疾
露香密禱乞減壽一紀以延祖母之年疾遂愈後十年
乃終人謂君得年不永所禱殆有徵焉架閣公及宛州
府君相繼下世弟洧方孱弱君獨治葬祭貲產皆委而
不較且援近比請授以官存齋之子崇安尹楷卒于杭
君輟錢營護歸葬其子公溥暨兩女淪落民間咸訪求
得之今公溥已強而仕兩女亦各有家公溥兄割地為
報却弗受其孝友出于天性然也郡文學孔某系出永

嘉族人以其疏遠而弗之親適以事置對憲府時君甫
八歲力爲求直而出之同里徐伯潤託其息女于君而
沒君鞠之如已子旣長爲嫁于士人術士顧知幾來謁
遽以疾亡君爲具衣衾以歛而緘其行橐惟謹妻子聞
計而至悉以授之皆感泣請以其術爲獻拒弗納有同
與計偕者見黜于有司貧不能歸君爲貸錢一千緡於
富人而代償之其人後亦取進士有祿秩或謂可責償
矣君不聽而焚其券其急于人之患難窮厄多此類胡
先生沒君集同志之士弔祭而上私謚焉默齋之喪主
辦尤力溧水州判官朱性初與君聯事于省尹到官未

奠

幾而卒喪過杭君迎致於其家而爲位以嚴親舊皆感
動爭來歸賻其篤於師友之誼又如此君與人交驩然
無間然尚氣不阿有過必面折之聞者若不能堪久乃
服其識量平生無苟取嘗預書大藏經有旨賜幣亦辭
弗拜家居不事生業有書伍千卷而已君之葬也思構
已記歲月納諸壙復以狀來謁銘予締交於君最久且
親自謂知君莫予若而狀之所述多予未及知者予固
不得而略也庸備著以爲序而銘以系之銘曰
古有六行以教萬民比屋可封孰非全人矯矯孔君生
今之世無待而興六行兼備直道以行視險若夷出其

緒餘卒不大施爰擇斯藏里曰孝悌銘彰其存用諗來

裔

明威將軍管軍上千戶所達魯花赤遜都臺公墓

誌銘

公諱脫帖穆耳字可與系出蒙古遜都臺氏其先有事
太祖皇帝為開國元勳者曰赤老温名在國史公高祖

也

曾祖納圖兒

御位下必闈赤繼領衛兵取遼破金

屢策馮功後攻西夏而歿於王事祖察刺從

上親征西域以功為業里城子達魯花赤又從

太宗皇帝於潛邸經略中原立功尤多太宗即位錫金符改授隨州軍民達魯花赤父忽納襲前職以隨州孤絕洩治南陽府之昆陽愛鄰境邳縣風土淳美因家焉至正十三年世祖皇帝命相臣總兵伐宋公以管軍萬戶實預在行渡江後加金虎符爲湖廣等處行樞密院判官南土旣平兵寢不用累持憲節終於江西湖東道肅政廉訪使以長子式列爲臺貴贈江東建康道肅政廉訪使又以公貴贈通議大夫僉樞密院事上輕車都尉追封陳留郡侯謚景桓毋博羅真封汝寧郡太夫人忽都真封陳留郡太夫人公以勲舊家子蚤備宿衛

大德十年用臺臣薦佩金符爲武德將軍蘄縣萬戶府
東平等處管軍上千戶所達魯花赤延祐二年遷宣武
將軍泰定三年轉明威將軍分城坐鎮自明而越前後
三十餘年以老致其事公性至孝陳留府君之爲湖南
憲長有德於民其歿也相與繪像而祠焉公不遠數千
里求遺像以歸事之如生存搢紳先生皆以詩文羨之
公於人有善稱歎不容口有不善則爲之不憚終日至
戟手怒罵之其善善惡惡亦天性然也宋南渡初越人
蔡定父年七十餘以事繫獄法當贖而吏持不可請以
身代又不報乃自沉於府河以死郡守爲出其父且給

禮以葬嗣爲郡者立廟卧龍山之麓請勅額號愍孝歲
久廟廢而居民侵其地官不之省公攝萬戶府事慨然
曰孝子不祀人奚以勸會使者行部亟以爲言使者頌
謂守令曰承宣風厲郡縣責也若等寧無愆乎即日使
歸其侵地廟以復完
國朝取宋之兵至天台氏婦
王氏爲軍士所得自誓不辱至剡之清風嶺齧指出血
題詩石上投崖而死公移文有回爲立廟迄今不廢剡
有隱士吳君與公友善嘗謂吾死得附葬於二戴無憾
矣逮其旣卒貧不能喪公輟俸貲倡鄉人葬于書院之
側其好義又如此公爲人廉介質直不喜紛華講閱之

暇日與賢士大夫游清言雅論疊疊不倦懸車之後養
高城南闈齋閣懸弓劍著壁間聚古今圖書布列左右
延名師教其子每遇風日清美輒緩轡郊外徜徉竟日
或幅巾藜杖命家童抱琴自隨散步閭巷間稚童迎笑
扶擁而娛亦不拒也禮部侍郎秦不花出守越作新學
校行鄉飲酒禮迎致公居僕輔公升降拜起不愆于儀
人皆望而敬之公生於至元二年正月三日卒於至正
四年十二月二十八日享年八十有四夫人哈魯氏封
陳留郡君高氏朱氏俱范陽郡君子男五人長大都以
武德將軍襲職東平等處上千戶所達魯花赤次哈刺

未仕次月魯不花元統元年進士累遷承事郎南陽府
穰縣達魯花赤兼本縣諸軍與魯勸農事次篤列圖至
正五年進士授將仕郎衡州路衡陽縣丞次完澤不花
方治舉子業女四人長適宣武將軍莘縣翼上千戶齊
伯顏察兒次適朶兒伯鐸次蚤卒次適國子學生忽都
達爾孫男七人諸孫遵治命奉柩歸邾縣卜以至正六
年某月某日葬先塋之次示不忘本也以潛於公父子
間有一日之雅奉鄉貢進士趙倣所爲狀來徵銘潛竊
惟自昔帝王之興必有命世之材爲之股肱心膂披攘
經營光啓鴻業功在社稷澤在生民故天之報施也往

往使後人保其祿位以承太平君子無爲之治其德厚
者其流光豈不然哉而况公以陳留府君爲之父武德
及穰縣衡陽爲之子公居其間優游自適享有上壽其
存其歿皆可無憾頽潛之鄙陋衰朽無以贊揚萬一庸
悉取狀所述爲之序而銘之銘曰

國家之興必有世臣由本而支彌久益振時方承平垂
衣當宇息馬長戈以文易武靖共爾位弗震弗驚禮義
干櫓舒舒扞城賓客在前圖書左右載懸吾車長歌擊
缶我弓我治世適是承爾仲爾季人遺一經發藻儒林
踵武相接趨而過庭珪重組疊生榮死哀雖歿不古式

克有譽焉前人光瞻言故丘返柩而耐念茲厥初祁連
之墓

穀城縣尉蔣君墓誌銘

志

故將仕佐郎襄陽路穀城縣尉蔣君諱吉相字迪卿其
先以國爲氏代有聞人系序可見者唐吏部員外郎曰
則則之子曰勣仕吳越爲其檢校司空兼御史大夫始
家于婺之東陽勣三子其仲曰承郢承郢之子曰駟由
駟八世至君之曾大父諱顯又卜居縣南之橫城大父
諱天虞宋紹興中補迪功郎父諱沐特達多材智推先
志立義塾延時之鉅儒尚書侍讀方公逢辰以爲之師

後進賴其淑艾率爲佳士里人孫秘承德之時宰賈魏
公似道客也嫉其得士譽譖於賈復使人怵以禍福俾
獻其所蓄珍玩之物弗爲動則中以飛語坐徙廬陵賈
以誤國獲罪去乃得自便遠世祖皇帝統一海內簡
拔南士可官使者江東宣慰使左丞廉公以其名聞授
進義副尉南康路建昌縣主簿年已踰六十謝病而歸
終身不復出君幼警敏年十一羅冠難能計免宗黨咸
竒之暨成人循循雅飭晦迹林泉間以溪逸自號示無
仕進意會廉公之姪平章政事孔公宣慰浙東廉公念
主簿公不置屬之訪其子若孫孔公一見君深加器重

居館下未幾而孔公拜湖廣行中書省左丞尋被召遂
與俱北上時廉公已捐館舍孔公以見 成宗皇帝有
旨令備宿衛君驅馳兩京侍上起居服御以恭謹數被
稱獎孔公欲命以官而廷議有不合弗果用君將南歸
值 仁宗皇帝入定內難正位東宮因留事焉時初置
利用監擢君爲其知事特下令畀承事階而執政疑非
舊法乃已亡何以使事至閩中感瘴癘成疾還過蘭溪
去家僅二百里移疾而歸疾稍間將遂退休以就閑適
上旣登極春坊寮屬並以恩超遷有單拔者君爲知事
時所任佐史也亦得儀封尉君已望朝官品在第八乃

止調君穀城尉階不過初品人皆以銓曹失其平謂君
盍自陳君曰此上命也敢計其崇卑耶即日就道其縣
長官故給事於省闈未嘗獲與君齒一旦爲寮而君顧
位其下恒不自安事無大小必咨於君兵燹後民多非
土著往往輕生而喜聞其不能自業起而爲盜者尤衆
循以主簿兼警曹政旣不專人益以慢至是設尉君首
爲之鎮之以靜糾之以嚴俗爲變而盜亦衰息民有訴
仇家縱火者君呼其鄰訊之曰火自內出乎抑自外入
皆申自外入也乃逮其仇屏箠楚以情諾之則惶恐具服其察理之
明感物之誠又如此部使者聞之欲辟置幕下君語人

曰尉雖卑官猶得以伸吾志奈何持文書俯仰偵伺爲其所不欲哉固辭弗就君讀書不屑屑於章句而能通其大義處事之中節殆非偶然主簿公夫人曰劉氏而君戴氏出也以咸淳十年十一月辛巳生君於廬陵寓舍故主簿公以州名命君甫閱月而戴氏死旅殯廬陵餘四十年君每語及之輒泫然泣下穀城書滿代者不至謀於故人金同曰奉遷改葬是有著令吾將由漢入江汎湖以達廬陵子其護吾家松江東下同曰舟行千里風濤不測我不能獨任斯責其俱歸而陸走衢信以往可也君如其言民間其去皆遮道請留委曲勞遣

久之乃羅拜而別君既抵家將治行而前所患瘴癘之疾復作情愈迫切飲食寢處惕焉靡寧疾竟不可爲以至治元年正月丁酉卒於家享年四十有八臨終無它語惟戒其子玄曰汝能返葬吾生母吾死瞑目矣君先娶施氏宋國子博士郁之孫女逾年而出再娶朱氏故上虞縣尹文魁之女子男一人玄也女四人長適道州路總管府推官李裕次適同邑胡珣浦江趙友淳金莘許元孫男四人允同允興允享允昇女四人先是玄以泰定四年正月丙辰葬君仁壽鄉戴初里水齧其墓乃以至元二年十有二月乙酉改葬于乘驄鄉御史里夏

山之陽虛其右以爲朱夫人之壽藏作祠堂於墓前
步以生母戴氏慈母曾氏祔食其別室仍卜地墓旁造
窆穴俟戴氏之柩旣返而並瘞焉其改葬後七年玄始
奉君婚李裕所爲狀以銘來屬竊觀君服勤先朝遭逢
之際亦盛矣而不得在顯位及隨牒外補俛首下僚尋
常資級猶可序進而遽止於是小試之効雖班班可覩
蓋未足展其平生素蘊之萬一也歿又無以振之於幽
可乎庸弗讓而爲之俛刻焉銘曰

士之用舍恒係其逢乘時捷出或取顯融疑疑蔣君鱗
攀翼附不自奮飛獨行其素雨露所濡蔚乎良材孰尸

繩墨奪爲楠棖有隕自天豈不謂命嗇不使年莫俟其
定夏山鬱紆清淑所鍾兆茲新卜以寧君躬尚儔嗣人
飲其福澤龍光是承賁于松柏

將仕郎建德錄事劉君墓誌銘

南

君諱環翁姓劉氏其先自婺之金華徙台之寧海居縣
東北之閩風山曾大父嵩宋父林郎昭慶軍節度判官
大父應球宋迪功郎慶元府慈谿縣主簿父珪年十六
入太學遂家于杭仕皇朝爲進義校尉寧海縣東奧等
處海船上百戶母陸氏君生三年而不能言既成童敏
悟絕人讀書至忘寢食母懼其以勞致疾禁弗與燈燭

君竊篝火閉窓隙坐必至四鼓年踰弱冠出從名師受
春秋學取元統元年鄉薦會科舉事廢執其業不少解
若有待者逮 今天子更新庶政科舉復行遂以至正
四年再薦于鄉登五年進士第授將仕郎建德錄事有
在君弟子列而與君爲同年者曰文宣死於疫君經紀
其喪事無所避因染疾遷寓門人廉氏家而卒五月某
日也得年四十有三君初娶費氏前若干年卒後娶顧
氏合卺甫五日而君應薦北上費氏之媵方孕而未生
也君卒之日手自爲書奉束帛爲母壽第言旦夕南歸
未幾而廉氏家以其書與君柩俱至費氏媵之子邵祖

生已兩月君不及知矣母與仲兄饒翁哀慟幾絕時進
義府君歿已若干年猶旅殯于杭饒翁乃啓其殯并君
之柩返于寧海卜以某年某月某日葬某鄉某原且以
伏來謁銘予筮仕寧海聞閩風山中有兩先生曰劉公
某曰舒公岳梓並以文章大家師表一時心甚嚮往之
而兩先生之不可作已乂暨尋交於君乃知君於劉公
爲從曾孫舒公之子叔獻則君所從受業也木水本源
有自來哉君爲人介潔不阿然不喜臧否人物與之游
者莫窺其涯泐其訓諸生於抗學具有師法識者多以
遠大期之際逢聖時賢才彙進而君獨遽止於是可哀

也已始進義府君有子年十二而天臨終言我死當復
爲劉氏子後十年見勞於父母曰我至矣果再得子八
歲而又天後二年復見夢於父母曰父母撫我厚豈忍
捨去已而生君遂取昔人識環事名之曰環而字之環
翁其再薦也適感異夢乃以字爲名曰環翁云銘曰不
有時兮孰甄而拔之不有命兮孰天而闕之得於彼而
喪於此兮孰予而孰奪之母倚門而啼兮兒呱呱而泣
靈之歸兮何嗟及兒勉學兮天不忘徃必復兮後其昌
贈奉議大夫大名路滑州知州驍騎尉追封白馬
縣子王府君墓誌銘

志

故贈奉議大夫大名路滑州知州驍騎尉追封白馬縣
子王府君以至元庚寅八月二十四日卒於宣城之寓
舍享年六十有八即宣城郭外西南岡下治地以葬而
府君元配劉氏前十有四年卒安厝開州已久繼室張
氏後二十有五年卒尚旅殯于揚州至元後丁丑府君
之子大有始並遷其柩合葬于府君之墓自爲文刻石
以誌焉初大有爲江南湖北道肅政廉訪司知事援著
令乞堆恩其父母贈府君承務即大名路同知滑州事
大有張氏出也故張氏與府君同被命爲恭人及大有
遷平江路總管府推官而劉氏恭人之命亦下大有既

陞五品乃加府君以今官階勳爵而劉氏張氏並追封
白馬縣君大有使來諭于某曰誌所以昭世系謹歲月
已納諸幽堂惟是先人幼躬樹德以承其先以啓其後
者宜有辭揭于墓之原以示子孫頌猶闕焉敢以爲請
按王氏之先實金之宗室完顏氏世居磁州有諱遠者
爲金統軍使府君之父也自統軍而上遭亂失其譜莫
得而詳府君諱思孝字移忠幼警悟年方羈外穉身兵
間東至大名居開之濮陽乃易姓王氏子孫至今因之
稍長喜讀書能屬文自處甚簡薄是時國家新取中原
海字未一殊無仕進意泊天下旣平朝野無事可以出

而仕而府君則既老矣惟資其子使爲學廢幾它日能
自振拔而大用首以材見推擇尋入江東按察司爲書
更廉訪司立更留以爲奏差府君委蛇就養久之乃以
壽終府君有子男四人長郎大用次珪次大有也今爲
奉議大夫廬州路六安州知州兼勸農事次大慶女一
人婿曰會稽縣主簿郭郁孫男九人女五人蓋金之將
亡大家貴族違親戚去墳墓散之四方而其後泯沒無
聞者多矣府君既有以自全而不墜其宗又能教其子
至於成立以備官使晚乃卒食其報豈偶然哉矧今大
有歷官所至有聲其在湖北平反辰沅常澗諸死獄人

尤以為明允臺府屢薦稱之其願融未艾府君之宜見
來崇者不止若今所書而已雖不克於其身措諸事業
平生之志尚何憾乎而銘之俾後世知完顏氏之為
王氏王氏之在直隸皆始於府君也銘曰

完顏之支別為王氏遠迹于南由府君始惟時府君有
韞弗施一其初於難間險夷保厥嗣人使有祿位馳恩
所加草木衣被其升在上神遊故墟降形在下兆茲坤
隅中為同穴昭穆左右勒辭紀實式示爾後

贈文林郎江浙等處儒學副提舉許公墓誌銘 南

前進士許廣為武義之明年以內艱去銜哀致辭于

某曰昔吾父之棄諸孤也廣大年甫十有七後八年乃
以非才叨綴末第獲備官使又十有四年始用例贈吾
父文林郎江浙等處儒學副提舉封吾母太宜人廣大
祇奉命書將以告于墓下且求時之文人勒諸貞石以
昭先德而後上恩詎謂吉凶同城吾母遽以疾不起風
木之悲罔極柰何忍未即死以終大事願推述吾父啓
慶緒社源流之所自及吾母爲之扶助者合而銘之惟
許氏遠有世序其占籍台州路之天台縣莫詳所以徙
提學公諱嗣字繼可曾太父某大父某父某俱弗仕自
曾大父時以子孫衆成俾人專一經故許氏明經者代

不之人提學公少受尚書而於諸經無不通然未嘗資
以事進取爲名譽朝益暮習皆爲己之學其爲人純慤
靜重不妄言笑動以禮自持父喪哀毀骨立衰麻之制
哭踊之節必求合於古諸弟尚幼撫育訓誨至于成人
而授之以室先世所遺資產惟其所用無靳賔祭百須
及門戶事悉心任之諸弟咸感化而父事焉其教子尤
篤延師必一時名人躬承事之如弟子禮寢疾病之三
月預爲詩示廣大詩僅百四十言而處已接物之道靡
所不該廣大佩服不敢忘訖能有所樹立擢元統元年
進士第調昌國州判官以選入行宣政院爲掾史用資

格序遷而來武義居亡何百廢具舉刑清訟簡民安其
業受知上官見謂廉能皆提學公之教而宜人相之也
宜人張氏同邑官族提學公之歿率諸子奉之喪惟謹
事舅姑以孝治家勤儉而有法待宗黨息意甚至遇貧
乏必周之諸子既蚤失所怙宜人遵遺訓戒勵之尤切
廣大在武義迎至宜人就養每晨出必告之曰臨事貴
詳審不可奪於私喜怒莫歸則詢于僕隸有少不厭其
意輒戚戚不樂前是武義數有水患謀作隄以捍之而
或者憚其勞賈先聖廟及學舍屢徙而多未完欲繕治
崇飾之而或者以爲非所急廣大慨然以爲已任宜人

曰德惠未施於人而並興土木之役得無傷民病乎
知廣大以身先之而人樂趨事乃喜其賢有識如此談
者多謂提學公雖老於山林而貶恩所及在其身後一
門之內死哀生榮可以無憾矣潛竊觀其示廣大詩有
曰金馬誇豪貴吾謂非世傑惟能師古道乃與禽獸別
然則穹官峻爵固非其所慕惟後之人能以斯道自任
以古人自期乃其所望也廣大既有以成其志曷可無
一言以慰之於泉下乎提學公卒於泰定二年七月某
日享年四十有五以其年十二月某日祔葬於某鄉龍
山八世祖墓次宜人卒於至正六年七月九日享年六

十有九以其年某月某日合葬焉子男三人長郎廣大
 文林郎婺州路武義縣尹兼勸農事次彌大喪明而卒
 次小戊方業儒女一人適趙景良先卒孫男一人孟浩
 女五人提學公有詩若干卷因其自號名之曰得靜齋
 集潛嘗序其篇端以為清高而不失乎近平實而不近
 乎俚茲故弗論獨序其平生大槩而銘之銘曰
 許出太岳古之封君後以國氏世多顯人公居盛時乃
 不有聞卒以不施藏器於身爰有淑德媿于名門克生
 材彥孔敏而文惟君子使有社有民潤澤實豐水必有
 源遊者知斯不亡者存龍光下賁耀於無垠公侯之復

莊園子孫龍山之原歸焉丘墳亦則已拱合樹惟新歸
與同尤表以貞珉

成全郎江浙官醫提舉張公墓誌銘 南

故成全郎江浙等處官醫提舉張公諱去非婺之東陽
人 世祖亮與宋政和中舉八行賜號冲素處士曰志
行者實兄弟行歿葬縣南乘驄鄉木掘嶺荷塘西原子
孫因家于荆浦父諱潤以脩德尚義為鄉善士母顧氏
有子五人公其季也少警敏有大志既壯而隱於醫其
為術深超徑詣精驗如神然不專於為人己疾尤善以
太素脉言人吉凶貴賤壽夭率皆奇中公自號實堂人

罕用爲其稱而直以藝配其姓稱之曰張太素云至元
二十有六年大盜竊發於鄰郡蹂踐縣境尚書左丞史
公弼宣慰浙東督諸軍討捕之一夕氣填膺逆上結塞
脹滿寢食併廢公授以以劑立愈因留置幕下及移屯
求康縉雲皆預在行將卒道病與藥輒効事平計功行
賞當得官公謝非其本志不就乃署公本部官醫提領
使公入朝或詢以江南名醫必首及公且貽書招致之
大德五年公至京師而史公由僉樞拜平章政事行省
江西後二年名還樞庭見公歡甚陞對亟薦公于上李
叔固丞相時領太醫奏用公爲尚醫奉御食五品祿明

年扈從上京阿忽都楚王疾劇有旨命公往視之王既
平復入謝上嘉獎焉又明年王被命巡朔漠迴次和寧
王孫明安帖木兒有奇疾衆醫莫知所爲遣府僚孫司
馬者詣闕請輟公以來公以體氣漸衰不任遠役懇辭
上再三勉諭出尚方靛衣重裘安車善馬資之以行仍
勅有司厚贍其家公既至施之鍼灸投之湯液閱月而
疾良已王爲之割羊刑馬大會宗戚餞公南還且遺以
交鈔五千緡白金百兩內謁者張哥司徒復言于上及
東朝加賜交鈔五千緡文綺四端以旌之由是聲動朝
野太醫刻上其名于中書以聞擢江西等處官醫提舉

階成金郎某年也公過家上冢即抵官下居三歲職事
脩舉省臺奏譽之以秩滿去官僚屬皆泣拜而別公性
溫厚家食之日待鄉隣有恩意以疾來告者赴其急無
難色方將於一丘一壑以怡神引年而江浙之命下矣
到官數月俄拂衣而歸遂以天曆元年三月二十有四
日卒於家享年八十有三重紀至元之某年十二月其
日葬荆浦之北原元配何氏繼室馬氏皆前卒至是合
祔焉子男二人長安道何氏出終於杭州路醫學教授
次至道馬氏出前昌國州醫學教授俱能襲父業以醫
名女一人適厲其男六人女二人曾孫男五人女二人

公之葬已久而墓上之石未刻於是至道以狀來取文
爲銘且曰先人在京師時至道與先兄留治家事凡先
人所遊從與治療之曲折言人禍福之徵應皆莫能知
其詳所可知口口口是而止先兄因赴銓謁參知政事
張公某公言昔吾尚少求而父切脉卽知吾後當居政
路不自意忝竊至此而父可謂精于其術者也今豈可
復得哉由公之言而推其所不及知闕軼固多矣獨先
人自序太素脈訣出于蜀之清城山王樸仙翁而歛人
張子元子發嘗校其書傳至楊上善而予得之始奏請
以行于世其端緒之相承可槩見也昔劉歆序七畧醫

經之言人血脉經絡陰陽表裏者黃帝扁鵲白氏內外
經及旁篇七家而已蓋太素之書尤秘而未出故無得
而述焉庸備著公所序於銘文之首庶史官傳方伎者
有考云爾銘曰

太素之學古有別傳卓哉張公窮幽極玄爰取諸身以
知來物活人之功抑其仁術帝謂斯人醫師之良畀以
制書歸榮故鄉幡然勇退遂考終命前知孔灼順受其
正公則遠矣公書具存發潛明微在爾子孫謁文訂實
推述源委薦諸石章用裨信史

成全郎江浙官醫提舉葛公墓誌銘

表

疑背

公諱應雷字震父世爲平江人其先仕宋季而朱顯
即義思恭於公爲大父進義校尉從豫於公爲父公少從
季父某受周禮爲舉子業國朝取宋場屋事廢公無仕
進意若將終身焉初進義府君業儒而於九流百家靡
所不通尤工於醫公既不得以文學自見退而取家庭
所聞靈樞素問諸書之說研窮精覈見世之言醫者執
方拘論而莫究其源委多與古法皆馳於是推五運六
氣之標本察陰陽升降之左右以定五藏六腑之虛實
以合經絡氣血之流注而知疾病之候死生之期其處
方劑施砭熅率與它醫異以此名動一時浙西提刑按

察司判官李公某中州名醫也嘗自診視其父疾復以
咨決於公聞公言父子相顧駭愕曰南方何以有此邪
則盡出所藏劉守真張潔古之書與公討論所見無不
脗合江南言劉張之學自公始公所著書大旨以爲醫
當視時盛衰劉守真張子和輩值金人強盛民悍氣剛
故多用宣洩之法及其衰也兵革之餘饑饉相仍民勞
志困故張潔古李明之輩多加補益之功至若宋之季
年醫者大抵務守護元氣而不識攻伐之機能養病而
不能治病失在不知通其變也書凡二十卷名之曰醫
學會同摘古語扁其齋曰恒蓋用術貴於通變立志

不可無恒也

士大夫聞公名垂幣馬迎致之無虎

曰延譽益廣大德十年用薦者補平江路醫學教授治
廟宇闢土田教育其弟子貧後多爲良醫尋用省臺交
舉擢江浙等處官醫副提舉遂爲其提舉階自醫愈郎
陸成全郎延祐五年也公前後在官十年其學大行於
東南至治二年丁母憂而歸居喪過於哀毀如不歆生
竟以三年春正月十八日卒于家享年六十娶盧氏宋
某官鉞之孫女子男二人長震孫先五年卒次乾孫女
一人適胡就矩亦已卒孫男四人公資稟和粹識量明
達外嚴而內寬事親孝而友愛其弟鄉隣有急拯救之

用

如恐不及人以長者稱焉乾孫旣以泰定元年春二月二十八日奉柩葬于吳縣至德鄉望墅墩先墓之次後十有三年始以前宋進士顏先生堯煥所爲公行狀屬予爲之銘予觀前史傳扁鵲倉公華佗皆歷言其已試之效先生狀公行皆畧弗著惟論次其所以爲術之本可謂善序事者也是用悉取而備陳之公雖寓迹方技而未嘗廢詩禮之傳遭時承平復以經術網羅天下士獨周禮爲無所周乃俾乾孫學爲詩以應有司之求乾孫篤於學而敏於文庶幾能成公之初志者銘曰

猗葛公抱一經訖不試以術鳴帝有命公是膺樂其職

不近名尚有子蜚儒英際聖時伏必興馳茂恩耀泉扃
發其兆在茲銘

錢翼之墓誌銘

十四

翼之姓錢氏諱良右世爲平江人曾大父世昌大父格
父宗慶俱弗仕而大父用其仲子台州路總管府判官
宗顯恩贈承事郎鎮江路丹陽縣尹翼之生而不凡長
益閭敏徐文真公持浙西部使者節台州君處其幕下
翼之因得侍公左右公見其言談舉止謹節有禮大奇
之台州君同幕多名流公語之曰錢生濟濟有儒者意
度令親簡編必成令器翼之亦感勵自力於學公所爲

詩文必出以示翼之其取重如此翼之既游文貞之門
至於前代遺老若弁陽周先生淮陰龔先生當世宗工
若剡源戴先生隆山牟先生永康胡先生翼之無不接
其序其緒論中州雅望若剡丘李公漁陽鮮于公暨一
時賢雋之士亦皆折行輩與翼之交故其聞見最爲詳
博而吳興趙公巴西節公遇翼之尤厚數引拔之翼之
殊無仕進意至大中行尚書省署翼之吳縣儒學教諭
翼之欣然就職已代去輒不復出間居三十年安貧守
約禾始有求於人一室蕭然坐客常滿詠歌酣嬉無虛
日里中子弟來就學亦弗拒也御史聊城周公舉翼之

宜在館閣未報而中書連被上旨擇工於書者俾書農
桑輯要大學衍義有司悉起翼之以應令竣事薦章交
上亦不報浮光王公與翼之生同歲居同里公由戶部
尚書叅預河南江北行省事念故之人存者獨翼之將
力援之於朝而翼之素志丘壑至是亦既老矣翼之性
夷曠與人交無町畦篤於故舊往來尺牘哀輯裝治惟
謹時出以示人曰吾非以此術其識人之多特以其間
有情辭諄切關於世教者不可廢耳然不喜於苟同人
有不善或面斥之以其行乎於人不以爲異也大叅金
源天公嘗問翼之曰錢氏起五季有吳越子孫多在東

南且世有顯人君豈其裔耶翼之曰此無從稽也蓋某
之先有甕壚沽酒者每見故書紙輒手拾聚而焚之曰
吾子孫其有興於文學者乎公聞翼之言深服其質直
翼之晚自號江村民人因以江村先生稱之至正四年
五月八日以疾卒於家享年六十有七疾已革猶正巾
危坐秉筆作弟姪書頃之而逝初室徐氏廣德縣尉逢
吉之女無子繼室丘氏宋龍圖閣學士贈特進岳之曾
孫承奉郎稷之女子男一人曰達女二人長適張元善
前卒次適吳某孫男某女三人皆幼達既以其月十有
八日奉柩葬吳縣靈岩鄉黃山徐涇先墓之次而刻石

誌其歲月且遵治命以狀來徵銘予辱游於翼之父子
間甚久別去十年而翼之遽不可作其以銘見屬望予
厚矣達又好學有文能嗣其世業而汲汲焉用意於不
朽事予何敢辭翼之有詩文雜著若干卷奎章閣侍書
學士虞公已爲之序以故弗論翼之於古篆隸真行小
草無不精絕豪家貴人徃徃傳藏以爲珍玩或有所挾
而強使爲之雖奉以百金弗顧也人多以是敬服之而
罕有論其出處之大致者序而銘之庶幾來世有以知
其人也銘曰由學而升不近乎名既仕而止不失乎已
藏之若虛以浮湛於里閭優游卒歲匪依隱而玩世惟

以求夫志欲知其人視此刻文

真入饒州路儒學教授許君墓誌銘

壽

君諱熹字華甫婺之東陽人宋宣和中睦寇竊發八世

祖瓊聚民丁衛鄉井被州將命赴援有功得官尋以城

元凱父諱

中兵食不繼力戰而死里人至今廟祭焉大父諱文昌

號空雲處士無子弟文奎實生君年十五育以為已子

處士兄弟素嚴張若左右侍養各盡其道先意承志咸

得其懽心尤同產弟兩人友愛尤篤先世之田廬一無

所較公上徵求百役之須皆身任其費子姪化之靡有

間言異時處士兄弟從鄉先生石公游有雋聲後二十

於

年復遣君兄弟受業石公之門君幼警敏既長務以靜
專自持同門中推爲高弟用舉者試憲府例當補縣教
官隨牒赴儒臺初筮得浦江會朝廷欲重師儒之選俾
職教一縣者悉改調於外省君解職以名刻上俄又命
更其法從宣閩署置同時捧檄而去者一百四十人皆
以次補授序遷間以舉子業自奮君獨恬於進取有司
強以充賦試不合輒棄場屋家食者久之始分教於武
義再調處之麗水丁本生親憂服除或謂稍增加所歷
月日則當陞君不可遂復調台之天台用累考充湖之
東湖書院山長在武義取豪民所據山塘歸于學在天

台預鄉薦者三人輟官俸斥私錢禮遣之募好事者捐田以助養士東湖創於里之大家事多綿絕亦勸之割田附益焉秩滿調饒州路儒學教授拜命而卒臨終戒其子曰爾等入當善事而毋出當善事而叔父扶植吾門戶使勿墜它則平日誨爾熟矣言訖而逝重紀至元之元年十二月二十一日也享年六十有一六年十月四日葬所居西北二里某鄉某原娶劉氏子男二人曰怡曰愉女二人壻曰王濟川蔣世安孫男四人女四人君貌癯而志倣儻自奉殊儉薄而客至館穀必豐贖必厚產不踰中人而輕財急義族姻里黨老而無依幼而

久

孤者衣食之未嫁者擇士族歸之歲饑鄰里不能自活者賑卹之故其善日積而家日耗歿後囊無餘蓄人乃克葬諸孤既誌歲月求予填諱納壙中仍躋門請予銘以揭于墓道予幸獲執弟子禮於石公與君爲同門知君爲深庸據誌所述參以予所知序而銘之按東陽許氏出晉孝子孜孝子史有列傳其子孫至近世愈蕃衍居邑中者爲西南兩族而君之先別居近郊之梅峴邑居之族掇世科踐朝著若以延賞入官者數十百年相望不絕而君之先獨不大顯雖能捍大患以死勤事後之人未有食其報者君生今聖時而以文學起家人謂

其將致身華要又遭迴而不進甫露一命竟不及祿其
不可哀也夫銘以慰君亦以告于嗣人庶有知其委社
之自而思亢其宗者銘曰

九軌之涂衆方疾驅長裾佩玉行之徐徐與物委蛇世
或謂迂銖稱寸量月計有餘成之匪亟得而莫居載其
榮光歸賁幽媿善積于家穰穰所儲有謹其承其發必
舒鸞翔鵠翥亢其門閭惟銘有徵永世不渝

鄒府君墓誌銘

孟

無錫鄒君以至順二年十一月二十六日卒元統元年
九月某日葬後十有四年爲至正七年其子師尹乃奉

故禮部尚書宛平曹公所爲行狀來徵銘謹序而銘之
銘曰

鄒氏之先世居晉陵宋有忠公以剛直稱正色立朝不
震不懾元符三疏光于史牒子孫蔓延散處吳中還居
錫山家日以豐君之曾祖厥諱聞善祖諱成大再世不
顯遇事有勇及物以仁人憚其嚴而懷其恩父諱仁聲
始列仕籍將仕初階不有祿食恢其先業益厚于貲嗇
已裕人遂大厥施君諱德修字曰君永生而慧翔長而
疑靜志學嚮方噐識愈宏時無科目不以文鳴遺榮自
通優游卒歲持身清約不事侈麗人有衣服美錦織絺

適

君則弗御終身布韋人有室廬穹檐邃宇君則弗居取
庇風雨推其所有惠子宗婣由近而遠邇其鄉隣爾弱
我扶爾匱我給力苟可爲靡有弗及或觸機奔深憫其
窮排難解紛不自爲功青青者筠內虛外直以名吾軒
用厲厥德高蹈物表若與世違行孚于衆譽望所歸展
也吉人宜膺多祉六十八齡云胡不起君配華氏子男
一人是曰師尹有學有文其孫有七二男五女男侃與
儼克肖其父女適顧璋暨錢允臣餘皆幼艾在室未婚
泰伯之鄉崇德之里爲君宅兆其葬以禮君所結交時
之豪雄知君最深莫如曹公謂君爲人卓越醇厚其言

有徵可垂不朽瞻彼佳城松栢丸丸有子承考謁辭圖
堅顧慙不敏筮屬史氏畀以刻文昭示無止

蔣君墓碣

蔣君敬之名宗簡生三十有一年而死其友王厚孫以
狀述遺言來屬于余曰宗簡生不及從子遊死而得一
言為不朽之託猶不死也嗚呼余之固陋何足以知敬
之敬之之望余則至矣敢不諾敬之上世居潤之金壇
宋南渡時七世祖兵部尚書少師莊簡公猷始遷四明
其後多至顯官而敬之曾大父應鼇大父與可父復祖
皆弗仕母方氏敬之幼爽敏有雋聲程先生端禮歸自

江東敬之以弟子禮見留居旁舍數歲凡天人性命之本古今治亂得失之迹靡不察究郡庠延敬之爲少學師諸生多貴游以其年少頗易之敬之于疑義數語而決以文來就正隨所治爲加潤色頃刻數十篇乃大悅服尋挈其徒寓湖心僧寺聚易詩春秋諸家之說而折衷焉試有司不偶輒散棄其舊作或謂敬之不以盛壯時挾所長取祿仕獨以古文自詭奚益敬之笑曰使吾理明氣充其爲文于決科何有得不得命也文有古今之異邪旣而稍出游江湖間遇臨川危素于金陵語意合欲偕之至京師以母老不能去買未見書數百卷以居

翰林柳先生貫得敬之所爲文擊節不已方爲具薦櫝而敬之已屬疾遂不起至正元年十月十二日也貧無以治喪天台陳廷言嘗主郡教爲言於太守及寓公率朋游之士合錢爲助乃克以其年十一月某日葬鄞縣陽堂鄉桃輿先墓之次敬之娶趙氏有子男一人曰僖女二人所著有易集義詩荅問春秋三傳要義摠若干卷文集十卷藏於家敬之爲人介潔篤於自信重然諾恥爲小廉曲謹人多稱其經學詞義而其卓然欲有所樹立以自附於古人者未必盡知之也昔之豐於材而齎於年如王逢原邢惇夫輩盖有之矣此兩人得臨川

豫章而其名益彰敬之有程先生以為依歸視昔人可
無憾尚奚以區區之言為予不讓而銘之者姑以慰其
來意云爾銘曰

進而未見其止若有以為而今已矣昭明在上其藏在此

水西翁呂公墓誌銘

府君諱汲字仲脩姓呂氏呂氏於婺為著姓而非一族
人因以其所居地望為別居永康縣之太平鄉者號太
平呂氏宋之中葉有以經學教授于鄉里者曰遵遵之
子曰迪功郎師愈他家構飛語中其長子約而連及之

父子同官與龍川陳公俱下天獄次子皓先以賑濟
知倉使朱文公奏補郡文學用漕薦再上春官時年二
十有四叩匭上書乞納所得官贖父兄罪丞相白無例
孝宗正色曰義事安用例立命出之緣坐得釋者五十
餘人幼子源是為府君五世祖累贈通直郎高祖諱介
曾祖諱羔皆承郎郎祖諱桀承信郎父諱懋咸淳間嘗
與計偕試禮部入
皇朝版授知永棗縣至元十五
年也母何氏知樞密院兼叅知政事夢然之後孫女府
君少嗜學至老不懈讀書務窮理而於百家數術靡不
旁通其說平居致養於親為具必豐族人不能自食者

月有廩年當入學者家有塾列爲成規守而不廢子女
婚嫁必擇故家名族未嘗論財接賓交情文蕪至各盡
其歡而止鄰里有急必周之歲大侵爲粥食餓者所全
活以千百計至於自奉乃極簡薄衣無羨飾食無珍味
器用苟完出入無僂伎唯以一僮挾策自隨人皆之蕭
然山澤之塵也其恭儉出於天性孝友行於家仁愛及
於宗族鄉黨可見者如此而又多材能遇事明敏所處
必中於理衆咸厭服爲人排難解紛勇於赴義不以爲
憚里中無賴之徒或假私鹽誣平民募延所及甚衆爲
之力辨於官以免人尤德之初知縣公遭值江南新附

官府未立毅然出任縣事而弗辭既撫定其民使無失
業且爲之捍衛以備非常人恃以安及朝廷爲置吏郎
奉身而退蓋志在用權以全其鄉并不藉是爲進取之
階也其後大盜竊發官軍進討復強起之以爲嚮導府
君甫踰弱冠實預在行身踐重山密林荒昧阻絕之境
而直探其巢穴事平口不言功識者推其雅量晚益務
韜晦自號水西翁云前娶朱氏鄉貢進士環之女先四
十三年卒後娶趙氏叅知政事資政殿大學士順孫之
女先五 年卒子男三人長曰梓本伯兄之子次曰權
曰機皆朱氏所出府君既早失內助二子又幼弱回鞠

兄子俾持門戶事而悉畀以知縣公所遺田宅權既長
 遣從鄉先生許公益之受學八華山中業成未及見於
 用而先府君十五年卒無子府君以繼體之重為之斬
 衰三年仍命以機子烜為之後而機亦先府君三年卒
 女二人適同邑陳至寶東陽胡道隆孫男七人熙忠燧
 炯燁烜煥女四人曾孫男六人女九人府君生於宋咸
 淳四年戊辰閏月三日乙卯卒於今至正六年丙戌二
 月三日壬子享年七十有九諸孫以其年十一月三十
 日癸酉奉柩合葬于東陽縣西部鄉西郭先室朱氏之
 墓而以狀來謁銘昔歐陽子有言為善無不報而遲速

有時予觀水心葉公銘迪功之墓曰治生能富教子能
賢後溪劉公銘通直之墓曰宗族稱其孝弟鄉黨敬其
仁義蓋呂氏之積累其來久矣至府君家益昌而其才
又有足用者苟出其緒餘稍自見於世宜不止爲一鄉
之善士而已願乃歛藏弗耀而優游以卒歲豈不曰爲
善之報自有其時乎府君諸子雖早世而孫曾蕃衍生
今昭代必有能自致顯融而大亢其宗者爲之銘以勗
之且以俟也銘曰

有伏必興斯理之常惟德之厚其流乃光于嗟府君隱居
行義澤施於人而不有位保其世德望于一鄉繩繩子

世起

孫積善之祥亦既有子胡又天闕百年之積壽而不發
是繼是述在其孫曾尚克有聞天寵是承賤息所加貴
及窀穸惟銘可徵勒此貞石

奉訓大夫婺源州知州致仕程公墓誌銘

公諱郇字晉輔姓程氏其先廣平人唐御史亮以直言
忤旨謫通義令通義宋眉州也子孫家焉高祖諱符孫
承事即贈太中大夫曾祖諱公許嘉定四年進士官至
刑部尚書兼侍讀以龍圖閣學士致仕贈宣奉大夫謚
忠文始出蜀而僑居于今之湖州祖諱子沫贈奉直大
夫考諱繩翁朝散大夫將作監入皇朝以公貴贈奉訓

大夫台州路黃巖州知州飛騎尉利直封烏程縣公此公祖

大夫台州路黃巖州知州飛騎尉追封烏程縣男妣陶氏追封烏程縣君公幼聰慧又生於名家耳濡目染能蚤有知年十二入鄉校。出儕輩間稍長游心聖賢之學於書無不讀爲文博敏閑肆有奇氣下筆頃刻數千言觀者莫不駭服前代遺老如尚書陳公存叅政文公及翁大卿牟公嘯與公居同郡咸器重之用薦者署嘉興路儒學錄丁外艱服除陞平江之和靜書院山長書院故在虎丘爲寺僧所據旣徙置城中豪家又欲奪而有之賴公力爭而止秩滿上名中書適值銓曹行限年法再調紹興之和靜書院山長書院舊有田七百畝籍

於郡學公取而有之用累考合格授將仕郎台州路儒
學教授新斂宇及禮樂之器增置養士之田百餘畝調
將仕郎鎮江路總管府知事郡當南北往來之衝前是
爲幕僚者窘於將迎事多留滯公獨處之裕如遷從仕
郎衢州路江山縣尹爲政務平易官府日益無事以餘
力造舟濟行者且買田百餘畝使爲父遠計使者行部
郡守縣令多坐事免公獨以廉介見禮遇再遷徵事郎
武岡路綏能縣尹縣鄰於谿峒民夷雜處竊發不時公
拊循以愷悌之政人咸感化境內以安會廣寇猖獗犯
全道兩州長貳而下以供億軍需出境公獨任縣事師

旅經從枝梧遣發戒令嚴明士卒帖帖不敢肆行省檄
發屬郡民兵公選義勇應之皆慷慨赴敵戰數有功縣
有義倉糧二萬餘石積爲豪強所侵公悉徵理之歲適
大侵賴以全活者甚衆有僞鈔獄十年不決公力辯其
非辜旣而朝廷遣官慮囚閱其始末見稱明允陞承事
郎慶元路慈溪縣尹慈溪密邇帥閫事尤叢劇公設施
注措若不經意咸盡其宐縣故以食鹽額重爲民病公
規畫有方賦足而民不困縣東花嶼蓀湖受諸水溉田
可六十頃豪民或請堙湖爲田而輸糧于官吏以成案
請署公毅然不可事遂寢湖旁農家乃均獲其利公三

爲縣涖事之暇尤垂意于庠序之事年垂七十預請納
祿遂以奉訓大夫徽州路婺源州知州致仕公旣歸老
于家杜門不出手植五柳于前庭扁曰柳軒舍下環以
松菊時與諸老留連觴咏置家事不問四方來求文者
應酬無倦色有柳軒退藁十卷藏于家俄感微疾旣痊
而復作却藥謝醫談笑如平日忽命具湯沐斥女侍呼
子孫立左右端坐而逝公生于宋咸淳己巳四月一日
卒于今至正六年七月二十五日享年七十有八娶史
氏中書舍人某之孫女封烏程縣君子男四人長游兩
浙都運鹽使司海沙場鹽司管勾次濤次洽次潛女一

公之子長實孫男八人權模楷植楫同生文孫住孫女
七人孫男一人游等遵治命以是年十月二十九日奉
柩葬於烏程縣永新鄉桃塢先塋之旁公爲人溫良易
直未嘗高自標榜與人交無畦畛與後生談前朝文獻
歷歷如指諸掌喜誘人爲善不深於疾惡故賢者親而
愛之不賢者敬而畏之初龍圖公事宋理宗爲兩制侍
從權臣妨國儉黨盈庭鉅姦衛良靡遺餘力凡五立朝
而五速煩言每一去國更得盛名公際遇聖世朝廷清
明而又恬處下列得以從容進退者與龍圖公所遭之
時異也某幸嘗辱登公之堂而接聞公之緒論游等又

不遠數千里奉國子助教宇文公諒之狀來徵銘誼不
敢辭銘曰

程顯唐世由御史君龍圖仕宋乃振於文危言正色匪
躬之故寧與百壬更起迭什高風盛德增光前人垂休
委社遠其曾孫以名師儒為賢長吏視龍圖公世殊事
異非有盤錯利器為施長歌鼓缶式全其歸人之所瞻
百年喬木世其家者是似是續

承務郎杭州路富陽縣尹致仕倪公墓誌銘

公諱淵字仲深姓倪氏其先汴人宋靖康時五世祖南
以武弁扈從南遷于錢唐四世祖某又徙家烏程故今

爲潮州人曾祖後民弗仕祖椿年用同知樞密院事謝
公堂奏補官終於某路兵馬監押父守真輕財尚義鄉
稱善人入國朝以公貴贈承務郎松江府判官母濮氏
贈恭人公生而卓異精敏絕人讀書過目成誦德祐失
國科舉事廢公年甫九歲猶能習爲其文既長乃弃去
而刻意聖賢之學三山敖先生繼翁深於三禮而尤善
易公從之游於節文度數之詳辭變象占之妙靡不博
考洞究叅知政事文公大理少卿牟公皆前代遺老莫
不器重焉用薦者署本郡儒學錄高公克恭持風裁慎
許可時爲江浙行省左右司郎中聞公名欲識之一見

屋室皆一新之先是列郡釋奠多用俗樂公訪得故太
常樂工兩人俾以雅樂教諸生胄監聞之因招致而樂
工爲國子樂師今諸郡備金石之樂實自公倡之秩滿
當改調於是高公已爲吏部尚書公可任史事中書左
丞高公昉前在行省雅知公即欲處以編摩之職公微
聞之亟具啓事以親老乞便養遂以公爲湖州路儒學
教授未上丁外艱服除中書左司都事王公克敬知公
不樂遠宦諭詮曹授以元缺復需次于湖州家食者十
有五年恬然若與世相違泰定丙寅江南三省交聘公
校文鄉闈使者同日至公辭不獲遂應江浙之命士論

翕然歸之湖學自虞君志道立教事重構先聖殿而朽
鏤藻績多待公始完既又葺稽古閣改建講堂考安定
先生湖學舊法列經義治事諸齋以惠來學之創仁智
軒爲其游息之所其後學者爲公立生祠公移文止之
不得躬往撤之用累考入流授將仕郎太平路當塗縣
主簿時長官皆以故免去公獨理縣事延祐初經理田
土考覈多失其實賦歛不均公私咸以爲患公爲分畫
編次以爲圖籍出其隱匿而去其增加二稅乃如期而
集縣有定塘據大之民以定塘概可十頃豪家據而大之民以病告中
書下其事據大之民以定塘子版曹議以還民吏悼豪家莫敢奉行或言

於公立命歸之和民有田在縣境富家與爲交易者
成而貧其直民訟于官而富家執券自辨有司莫知所
裁乃越江來訴公探得其情始懼而以其直歸之縣民
立異姓爲後者所後父母長已久有非其族而姓偶同
者賂吏給憑改立而盡奪其貲產公焚其憑而整正之
望父老數十人羅拜馬前曰公神明之政也歲適大浸
民以狀言災傷邵戒縣勿受公爭之不得卽解印求去
郡中驚悟遣吏謝公且以檢視之事悉委之公躬獲阡
陌不避其勤民賴以甦元公未貞爲江東廉訪副使巡
歷而還謂其使王公士熙曰吾分按太平池州廉能吏

惟一當塗主簿而已王公亦素知公聞之喜力薦公亦
 堪風憲元統乙亥江浙行省參知政事字木魯公神復
 聘公司文衛禮遇尤至部使者舉公可上縣令而公以
 年垂七袞告老而歸授承務郎杭州路富陽縣尹致仕
 公天資粹美而輔之以學造次必由於禮家人未嘗見
 其有情容居官朝出壯事暮歸讀書課子弟或至夜分
 不寐少嘗從星官曆翁治其術通筭尤精既老于家杜
 門罕與人事接潛心於易著易集說二十卷圖說序例
 各一卷十年之間精力盡在是書矣公寡嗜欲善攝養
 老而氣貌益充無衰憊態俄以疽發背而卒病已革猶

置券說於几案間時諷誦之語其子曰死期至已長復
何言須臾脩然而化至正五年夏六月二十九日也娶
鄭氏先十八年卒贈恭人子男三人長驥已卒次駿松
江府儒學教授次駮女二人長適楊福孫亦已卒次適
陸元瑾孫男六人長璨用公廕爲紹興路錢清務副使
次璫琰璋瑛瓚女三人曾孫男二人女二人公昆弟四
人伯叔季皆早世叔有遺孤甫四歲撫而教之踰於已
子伯季皆無嗣則以駿駮爲之後駿等遵殆命以其年
冬十月某日奉柩葬烏程縣德政鄉毗山先墓之次與
鄭恭人同兆域後四年乃命璫走京師屬某爲之銘蓋

高公所薦五人惟鄧公掌制命侍經幄仕最顯公雖與有民社而未足以展其材餘三人又僅止於文學掾然皆能脫略名迹而以道義相高有識之士莫不服高公之知人而嘉五人之不負所舉也五人相繼下世已久今天子以鄧公先朝舊臣用臣僚奏請特賜以神道之碑銘而某以門生忝被上青與聞論撰茲又執筆而銘公一時之人物至是凋落盡矣何能無感愴於斯文也哉銘曰

知人之明古以爲難
聲求氣應夫豈偶然
初有逢連茹而進
孰不望公爭翔競奮
大道其第公行徐徐
既揚其

其發而不舒白首一官老於文學本闡聖謨以開後覺
晚乃佐邑未究所施俄復引年納祿而歸加恩增秩不
煩以事鼓缶而歌優游卒歲儲祉則豐昇于來昆尚克
自振益伉其門史氏作銘言無溢美寫之方珉楊芬干
祀

中憲大夫淮東道宣尉副使致仕王公墓誌銘

公諱良字止善姓王氏越之諸暨人曾大父諱天祐大
父諱一榮俱弗仕父諱理用公貴累贈朝列大夫秘書
少監騎都尉追封太原郡伯母祝氏方氏並追封太原
郡君所生母厲氏贈宜人公少受業郡庠篤行勵學克

自植立每慨然以康濟為志故秘書少監凌公時中為

書吏及連淮中以新制南士不得入官常改兩淮都轉運使司

江北淮東道肅政廉訪司知事雅知公辟為書吏督辦

富安場歲課場距海遠潮不時至鹽丁負水取滷力疲

而賦不充乃為相其地形鑿渠以通海潮公私咸便之

考蒲調將仕佐郎廬州錄事司判官淮東道宣尉使司

辟為令史掌織染之事所轄官府久癢不治乃日臨視

之為脩作坊募工匠至於攻金治絲設色具為區處迄

今守為成法兩淮鹽綱病於運河淺澁事聞詔遣都水

監官疏治之公從分閫至淮安之鹽城有司部役夫三

千束于以俟都水之來公言不宜坐靡日食足令興工

仍立法每十夫一治炊爨九操畚鍤日所穿廣四丈脩
一丈深五尺比都水至河可通舟者已四十五里遂自
新興五祐兩場屬于高郵次第訖功而它州役議猶未
定乃俛悉用公法行之調將仕郎峽州路總管府知事
入江浙行中書省爲掾史會朝廷遣使復立諸市舶司
公從之至泉州建言若買舊有之船以付船商則費省
而工易集且可絕官吏侵欺培克之弊中書報如公言
凡爲船六艘省官錢五十餘萬緡升承事郎建德路建
德縣尹以方郡君憂不赴服闋擢兩浙都轉運鹽使司
經歷越守王公克敬以郡民苦於計口食鹽言于行省

未報而王公爲轉運使乃俾與新守于公九思集議咸
謂宜稍損其額以紓民力沮之者率以爲有成籍不可
改公毅然曰民實寡而強賦多民之錢今死徙已衆願
重改成籍而輕棄民命乎且浙右之郡商旅輻輳未嘗
以口計也移其所賦散於商旅之所聚何不可乎於是
議歲減越鹽五千六百餘引俄有旨改畀王公以湖南
憲節後運使復排前議公以去就與之爭丞相脫歡荅
刺罕公聞之亟遣留公而議遂定被本司檄分治浙東
力除私販誣指之害按劾書吏奏差尤無良者黜之所
徵贓爲錢萬六千餘緡懼而以贓自首者爲錢萬三千

疑備

短

七百餘緡丁少監公憂服闋擢海道漕運都萬戶府經
歷越之官糧入海運者十萬石城距海十八里歲令有
司拘民船以脩短送舟人爲之失業不足則勒陸居之
民厚直轉僦以給之程期峻急吏胥得並緣以啗民及
至海次主運事者又不即受而有折閱之患公抗言曰
運戶既有官賦之直何復爲是紛紛也衆莫能奪乃責
運戶自買知送之舟運艘爲風所敗者例當覈實而除
其所陷之糧文移往還連數歲不絕公取吏牘躬自披
閱除其糧二十五萬二千八百餘石鈔二百五十二萬
二千五百餘緡布囊一萬九千有奇而運戶免於破家

遷承務郎揚州路總管府推官以屬宜人憂不赴服闋
除江浙行中書省檢校官有詣中書訴松江富民瞿氏
包隱田土爲糧一百七十餘萬石沙蕩爲鈔五百餘萬
緡者乞立行大司農司勸農管田水利總管府以糾察
追收之中書移行省議擬遣官四員踏視其地而松江
獨當什九公至松江七日而歸援古證今條陳曲折以
破其妄且言其意不過欲多播田蕩鈔以竦朝廷之聽
而報宿怨請創設牙門爲徽名爵之計耳萬一民心動
搖患生不測豈爲國家培養根本又安長治之策哉同
列聞公言皆相顧失色公處之泰然它所遣官聞公歸

亦皆還行省以公言上于中書事遂寢遷廣州市舶提
舉輟俸資造庫屋舶商欣然出私錢爲助不踰月而告
成先是吏胥恣爲姦利凡舶貨擇其善者出而售之不
善者積久不售公始爲設法均配立號募商人掣籤取
物庫藏爲之清居數月除江西行中書省左右司員外
郎吉之安福州有小吏誣其民欺隱詭寄田租九千餘
石者初止八家前後四十年株連至千餘家行省數遣
官按問吏已伏其虛誑而司屬之喜功生事者復勒其
民具報實有合徵之糧六百餘石憲司累援詔條革撥
莫能止也公到官首言是州之糧比元經理已增一千

一百餘石豈復有所謂欺隱詭寄者乎准憲司所擬可也行省用公言悉蠲之州人相率爲生祠以報撫之金谿有陸氏三先生祠堂豪民據其屋而奪其田陸氏子孫三走訴于京師竟不得直公按其籍使悉歸之公所至興除利害多此類其詳見於省臺薦牘及安陽韓先生國子監丞陳君旅諸公所爲善政記惠政歌者不可殫舉也公在江西歲餘年甫六十有六拂衣徑歸遂以中憲大夫淮東道宣慰副使致仕家食者五年扁所居室曰止止齋仍自號鷓游子以見其志云公質貌魁梧心地磊落讀書務明理以致用不苟事言說爲名高弱

寇時出游錢塘與浦城楊君載鄜州劉君汶友善論作
詩宜取法古人之雄渾而脫去近世萎蕪之習間挾其
所爲文登諸大老之門最爲隆山牟先生永康二胡先
生趙文敏公鄧文肅公所賞識公處家庭涖官臨民各
盡其道平居慎重寡言故言必有中至于委蛇進退之
際莫可得而瑕疵人尤以爲難能卒于至正八年正月
癸亥其將終也神完志定無異平時正寇肅容端坐而
逝享年七十有一以其年七月丙申葬于州東長寧鄉
之龍鳴娶劉氏封某郡君子男三人長仲揚用公廕爲
揚州路如臯縣主簿次仲廬福建道宣尉使司都元帥

府令史次仲淮大寧路儒學正前卒女三人適方泗陳
嘉績虞尚忠孫男十一人女七人公葬之明年某以久
居詞林老不任事納祿而歸抵家甫一日而有召還之
命于是仲揚仲廬相與謀來請文爲銘而使者與仲廬
至同日敦迫有嚴未遑卽如其請載念某納交于公踰
四十年知公爲深不可以遂已也乃以退直之暇追記
其所可知者論次而顯詩之遺焉銘曰
惟士先志惟官先事志不可奪事乃有濟表表王公時
之偉器抱負千里出僅一二竭蹶而趨劬躬盡瘁拾級
而升不懈于位好是正直周而不比表裏洞達初終一

致古今殊時學與政異公起文儒敏於吏治詢其職業
匪專撫字士飫其德民酣其惠所去見思如古循吏沒
世不忘仁言之利脩涂九軌方駕而稅用雖未竟志則
已遂薦斯銘詩賁于封陔有之似之在爾來裔

贈太常博士危府君墓誌銘

府君諱永吉字德祥姓危氏撫之金谿人年五十有七
以致和元年夏四月壬戌卒于家秋七月甲申葬白馬
鄉范田之原其子素博學而有文間出游京師一日隱
然名動公卿間莫不交口薦譽之 今天子稽古圖治
誕開經筵即以素為檢討未幾上復用言者建白妙選

儒臣纂脩三史又以素爲史官史事既畢中書奏以素爲國子助教用資歷及恩例階承事郎遂追贈府君承事郎太常博士至正六年也其年冬素由助教遷應奉翰林文字文林郎同知制誥兼國史院編脩官而某以退休之餘蒙恩召入寓直詞林與素命同日下而同官爲僚且有平生之雅素以墓道之銘來屬誼不得辭按狀危氏出於姬姓其先自洛徙汝南又徙江南唐泉州錄事參軍凝有子曰亘銀青光祿大夫檢校刑部尚書洪州別駕亘之子曰全諷曰仔倡居撫之南城當江淮寇盜充斥之時合鄉人立壁壘以自衛而大破賊兵朝

史兼御史大夫上柱國錢唐縣開國男累加太傅封南
虞王仔倡特進檢校太師虔州防禦使守信州刺史汝
南郡開國侯仔倡後歸吳越子孫皆仕於其國賜姓元
氏宋之盛時起進士至大官者叅知政事太子少保章
簡公絳爲最顯而危氏在南城者皆祖全諷由南城徙
金谿則自全調六世孫怱始怱五世孫光大育子曰鼎
臣府君之高祖也魯大父諱時發宋贈承事郎大父諱
炎震景定三年進士調吉州司理參軍治獄明允用舉
者改秩以通直郎知臨安府仁和縣事年未六十以不

能媚權臣乞休致而去父諱龍友入皇朝為潮州小江等處鹽司 母劉氏府君好讀書而深於易工於詩

文聞儒先格言輒書於屏間以自厲事親盡孝小江歲課不登督責甚峻不憚竭力服勞傾私財以紓父之急母病割股和藥仍顛天願減已年益母壽徒居雲林三十六峯也陽身服田畝以為養而薄於自奉一布裘至十年不易歲凶出粟以濟其鄰里而為粥以濟路人未如計家有無學問之餘兼善於醫有一卷傳於學者平居氣剛而和警敏善料事親故有過必加規正有患難必力排解之素過庭之也嘗告之曰世有學未之而已為

利祿計者既得之又恐失之竟何爲哉汝其求師取友
痛自脩飭期無愧於古人貧賤乃士之常不足念也素
出告反面問孰與遊聞其賢也則喜否則必深戒焉晚
過九江登廬山有終焉之志無何而屬疾遂不起娶同
里鄧氏忠義社統領克志之孫女今封宜人再娶建昌
黃氏奉訓大夫瑞州路總管府判官順翁之女子男七
人素爲適長黃出也今改擢宣文閣授經郎次蒼次白
次舟次赤次會次點女二人適陸鉉傳權孫男二人放
旂女一人府君之墓素自爲阡表稱道先德甚具而未
及叙其世系之詳至於贈典所加又在其十有五年之

後是用備著之不嫌其詞之繁而不殺也素方進用於時所以為親榮者未知其止固當屢書不一書姑為之銘俾刻以俟焉銘曰

危出于姬顯于唐伯仲並起尸一方或變其姓後乃昌為宋鉅人司文章綿綿太宗多才良仁和身退各愈彰垂芳奕葉逮太常有子承者沒不亡發于皇朝耀休光賁以命書煒煌煌增高益崇未渠央琢石以俟于其藏將仕佐郎台州路儒學教授致仕程先生墓誌銘

先生諱端禮字敬叔姓程氏其先遠有世序而譜牒莫詳所可見者漢有海西令魯唐有太子左衛率府曹曹

元李卷卅三

碑誌狀十三世孫

墓：四世孫煥

生承恭：生公

曾：生珍：六

世孫良弼生振

父：生在孫

生五：之子即與

生五子之子即畏
齋兄弟也佳說
者見公曾之名
謠以漢海西令
曾歸之上下豔
絕軒之甚矣

參軍某其自鄱陽徙家于鄞則由曹曹之大父珍始故
今爲慶元之鄞縣人歷五代至宋仕者恒弗絕曾祖振
父承務郎平江府百萬倉司門祖在孫通直郎知平江
府常熟縣事父立鄉貢進士入皇朝贈從仕郎郊祀署
丞母王氏徐氏並封宜人先生徐氏出也初用舉者爲
廣德之建平池之建德兩縣儒學教諭歷信之稼軒建
康之江東兩書院山長用累考及格上名中書授鉛山
州儒學教授秩滿遂以將仕佐郎台州路儒學教授致
仕其在建平興舉廢墜諸生之貧者必周給之縣尹王
君起宗日率僚友聽其論說且築室赤巖上命其子楚

鼇受業焉楚鼇後出入臺閣卒爲時之名人繼王君爲其縣者復倡好事之家爲買書萬卷覆以傑閣永康胡先生長孺記之其在建德增學會以居其徒盡復民所占田其始至也有田三百畝比受代而去有田一千畝稼軒前賢遺迹多爲人所據悉按其籍奪而歸之江東新昇院額有司奉臺府之命選辟先生以闡教事學者翕然知所宗仰文宗在潛邸遺近侍子弟來學賜以金幣牢醴禮遇甚至於鉛山則新其廟學豪家築室侵入仞墻內地久莫能正先生白于部使者命毀其室乃懼而請以腴田二十畝易之鷺湖書院之旁有道觀先

生偶至其處有驢跑觀前隙地驅去復來默卜之曰地
下果有物驢當復至已而驢果來跑益力乃訪觀主求
發之得石碣十餘刻群賢像曰乃爲作群賢堂先是平章
政事趙涼公及王御史理嘗舉先生可教國子趙御史
承禧舉先生可提舉儒學俱不報先生歸後郡守王侯
元恭踵門禮請先生爲學者師帥闢及旁郡廣行鄉飲
酒禮皆俟先生討論而後定郡故有宋丞相史越王所
置義廩以贖仕族儒家昏喪之不給自先生爲之督視
貧者始實受其惠先生素所厚一二達官魁士相繼凋
謝先生若有所不樂一日拏舟游東湖諸生載酒追及

之飲于中流酒半酣指所卜葬地曰若豈知我之歸於
 斯不久也耶學問之道具在聖經賢傳諸君有法吾嘗述之矣真
 知實踐則存乎其人尚懋之哉諸生為之黷然默各奉觴
 為壽而歸自是多以病不出久之病加劇客有將上京
 師者過而言別相與論宋李事媿媿不倦既正冠送客
 顏色忽變痰氣作醫者以丹劑進先生却之曰不敢服
 也日已暝而頭微偏門人樂良進曰先生頭容稍偏矣
 復張目端坐而逝至正五年夏六月甲子也享年七十
 有五以六年某月某日甲子葬陽堂鄉之陶輿娶潘氏
 皆為建平望族先生主教事時慕其以女歸之卒因葬

于建平至是奉遷而合祔焉子男一人衍女四人孫
一人循理女三人蓋宋季之士率務以記誦辭章爲資
身取寵之具而言道學者亦莫盛於此時四明之學祖
陸氏而宗楊袁其言朱子之學者自黃氏震史氏蒙卿
始朱子朱子之傳則晏氏淵大陽先生某小陽先生某以至
于史氏而先生承之黃氏主於躬行而史氏務明體以
達用先生素有志於當世惜其仕不大顯故平生蘊蓄
未克究於設施而私淑諸人者不爲無功於名教也故
禮部郎中韓公居仁嘗學於小陽先生其仕於先生之
鄉與先生論議無不昭合行省屢聘先生較文鄉闈先

主以爲國朝設科初意專取朱子貢舉私議今多違之
 吾往宜不合力辭不往其源流本末可槩見也先生色
 莊而氣夷善誘學者使之日改月化而仲氏太史公端
 學克謹師法學者充嚴憚之人以此河南程氏兩夫子
 云先生所著有進學規程若干卷國子監以頒于郡縣
 學使以爲學法有畏齋文集若干卷藏于家先生葬後
 二年門人徐仁等若干人相與謀俾樂良奉宣文閣授
 經郎危素之狀來謁銘某幸嘗辱交於先生徵於狀無
 不合乃併以平昔所知者論次而銘之銘曰
 大道孔夷聖賢同趨政厖俗裂師異指殊真儒有作乃

一古... 三十一

發其部先生之傳遠有端緒左規右矩蹈夫大中君之
以寬休休有容道之將行夫豈弗仕委蛇進退時行時
上志高於位厥施未豐惟其教思垂于無窮門人謁辭
論誤遺德畀于方來永有矜式

金谿曾君墓誌銘

撫之金谿有篤行之士曰曾君諱嚴鄉字務光以致和
元年六月辛丑卒年五十有三門人相與私謚曰恭貞
先生至元某年十月某甲子葬所居陶原里明山之麓
其子堅辱交於某謂先世在異時嘗有同年好以銘來
屬其不得辭按曾氏世譜曾子後十四世當王莽時避

布

地豫章之廬陵凡六世始徙臨川今撫州也又十二世
至唐刺史司空洪立乃徙南豐洪立生散騎常侍延鐸
延鐸生仁昭仁旺宋中書舍人鞏尚書左僕射右翰
林學士肇皆仁旺之後仁昭生贊堯贊堯生易祥易祥
生千復居撫之金谿千生學學生應臣應臣生仕欽仕
欽生濬濬生綱綱生彥明則君之高祖也曾祖諱激隱
居弗仕祖諱子良擢咸淳龍飛進士第終於淳安令父
諱正言國子進士並以文學行義師表其鄉母黃氏澧
州司理參軍庭蘭之女生君於淳安故名嚴而字光君
質厚氣完不妄言笑雖晏休必正襟危坐事親至孝父

有疾呼天乞以身代父命疾旋愈自祖父以來皆推先
世故業與其兄弟君亦以所居室讓其叔有四妹悉營
嫁之逮其有子皆教育使至成人平居不汲汲於生事
親勢利漠如也讀書自有常程務求知聖賢微言大旨
而不徒事記覽爲文主於理未始與人較其短長而一
時負才氣者皆自以爲不及同里以士名者無不受業
焉君接之色溫而莊恒以經術教授誦說若不能出諸
口及有所問難分章別句類數辯名無不究盡隨才誘
掖以成其美而不病以其所不能與人交無圭角崖岸
不矯矯爲異亦不訥訥爲同人自不得而親踈之隣里

有見侵侮者未嘗形於言色咸服其長者家人化之雖
僮僕不聞有穢惡之聲史稱黃叔度言論風旨無所傳
聞而見之者靡不服深遠去疵吝君庶幾近之然君遺
文有南明齋藁三十卷傳於學者言論風旨之在人固
多矣娶何氏後十六年卒合葬焉子男二人長堅鄉貢
進博學有文能世其家次大年早卒女二人適南城歐
復同邑黃里孫男五人先借儕仰佺曾孫男一人立銘
曰

嗚呼先生學足以裊身行足以範俗無欲而心自正不
言而民自服前人之光是迓是續世其德而不世其祿

天運有常其周必復惟尔嗣人有轟其伏

葉審言墓誌銘

至元元貞間部使者振舉學校悉延至前代遺老以主
教事一時英俊之士咸立下風惟審言夙負材望以弱
冠之年與之並登于師席衆皆羨慕焉審言頽獨恬於
進取筮仕垂四十年猶儉首常調隨牒遠方後來居上
者不知其幾及審言以六品官致其事而竟不得從容
享一日之安嗚呼悲夫審言姓葉氏諱謹翁審言字也
世爲婺之金華人曾大父大台縣主簿邽受業呂成公
之門以所得於成公者授徐文清公僑文清後爲朱文

公門人高第而於大治言執弟子禮沒身不衰大父榮發深自韜晦罕與物接父霖始復以家學私淑其里人故端明殿學士王公埜知南康軍葉公閻咸敬禮焉仕皇朝卒官將仕佐郎婺州路蘭溪州儒學教授致仕母曹氏有賢行審言性明達而蚤有知於書無不讀由家傳之端緒沂儒先之源委卓然自立諸老無不樂與之游舉教官歷浦江義烏兩縣教諭升衢之明正書院山長丁外艱服除上名銓部借授處之縉雲縣官政鄉巡檢丁內艱服除遷吉安之吉水州學教授秩滿調泉之晉江縣主簿階將仕郎同僚有與之不合者力搆陷之

部使者雖莫能察而心竊疑焉不及竟其事而去後使
者得審言受誣狀而不欲自爲異同乃貫其罪而解其
職頃之仍舊階改調婺州路司獄在官五年以老請謝
事授承務郎温州路同知瑞安州事致仕命下審言已
以疾不起審言事親孝父子自爲師友念母老不可一
日去左右所至必侍奉以行仲弟無依贍之終身平居
寡欲治家有法吉凶慶弔一遵成公家範曰吾有所受
之也貲產素薄而室廬再厄於災至無一椽以庇風雨
僑寓說齋精舍父之乃得老屋數楹僻在東郭外教子
之暇日以種蒔爲事暮年徙居城西北隅間得微祿不

足自給處之晏如時從朋舊飲酒賦詩陶然自適易簣
之日有書數卷田數畝而已審言所居齋室扁曰四勿
自號贅翁歸自泉南又自號曲全道人所爲詩文和易
平實無纖麗之態有四勿齋藁若干卷曲全集若干卷
藏於家審言生於宋咸淳八年四月十六日卒於今至
正六年十月十日年七十有五娶蘇氏文定公世孫
女後三年卒以其年某月某日合葬於金華縣赤松鄉
羅家橋之原子男三人長敬之處州路慶元縣榮慶鄉
巡檢前卒次復之未仕次泰之廕補江浙行中書省廣
濟庫子女七人其五適同郡嚴弘道趙嗣茲杜宏喻德

順藩繼善其二以疾在室孫男一人因女二人其一適
浦江張裡其一尚幼審言所交皆四方名士里居之日
最所友善者許文懿公讓翰林待制柳公貫太常博士
胡君助禮部郎中吳君師道翰林脩撰張君樞而潛而
幸獲陪諸公之末至是諸公多已凋謝惟胡君與某獨
存故泰之求胡君爲之狀而屬某以銘嗚呼悲夫載念
某之少也從先生長者誅歌先王之道於寬閑寂寞之
鄉將以是終其身審言力挽之出而游宦不遂晚通朝
籍以親老請外遂納祿而歸審言適已掛冠往見之雙
溪上握手道舊故殊欵洽別去甫一月而審言逝矣又

一月而其蒙恩錫召欲伸總惟之一慟而不可得銘固不敢以諉於他人也嗚呼悲夫審言分教兩縣所至以教養爲務興壞起廢之功尤多其在明正書院復道流冒占之田二百餘畝吉水號多士教官良不易爲審言處之有道由是士論厭服審言爲巡官則能使盜息而民安爲獄官則能使囚徒不失其所誠可謂得其職而審言之所以不朽者不專在是也茲不詳述焉銘曰有作而興載揚其英胡不奮飛徐徐吾行黽勉從事靡愛其力執虛若盈戰競夕惕不疑於人蹈夫危機困而能亨罔險夷皇仁在上天日臨照朱紱之來于光有

禮設正而歌式全吾歸孰昭其昧曰有刻辭

上海縣主簿吳君墓誌銘

君諱福孫字子善姓吳氏其先有爲宋執政者曰正肅
公育自建之浦城徙汴之新鄭南渡初有自汴之新鄭
徙武義者曰克立逮君世矣父東又自婺徙家于杭
故今爲杭州人母施氏君生而俊爽稍長強學好脩元
貞元年君猶未冠用浙西憲使東平徐公察舉補嘉興
路儒學錄遷寧國路儒學正江東憲司治寧國涿郡盧公
按臨之暇略其勢分而與之游數以詩篇相倡答君旣
書再考例當序進絕口不自言前代名流及時之雅望

若戴先生率初仇先生仁近胡先生汲仲鄧先生善之
咸加愛重莫不折行輩與之均禮魏國趙文敏公待之
尤親密文敏以善書名天下慕而効之者往往逼真然
罕有若君能得其早年楷法之妙者君兼工於篆籀文
敏極稱許之皇慶二年詔起文敏入侍講於集賢輓君
俱行中朝賢士大夫禮遇甚厚君泊然未嘗有所造請
至治二年乃以教官借授潮陽縣青洋山巡檢
遐荒之地縣長貳人因君捕獲盜之通誅者八
人脫平民被誣於盜者若干人而獲其真盜者若干人
廣東憲府有疑獄多以委焉未幾移疾而歸至順二年

賦
赴選集於京師某月某日

天子坐奎章閣阿榮大學

士以其所作小楷書數萬字上進因得召見夔夔學士
方侍書於閣中前奏曰臣濫得能書名如吳福孫所書
雖臣亦有所不及上頷之命侍臣引金鍾酌酒以賜將
用爲閣職有沮之者而止今止皇帝至元元年調常
州路儒學教授君氣岸素高又在師儒之位不肯爲諂
曲以事上官竟坐是去改調嘉興路澹浦務稅課大使
君承命欣然識殊不以爲歉也晚益務恬退足迹不涉
達官貴人之門日與方外大老玄覽王真人及名公之
歸休弗仕者湖南帥于公有卿道州守徐公叔清翰林

次對劉公時中徜徉湖山間不復以仕祿為意至正六年銓曹考其資歷當升授將仕佐郎松江府上海縣主簿到官之始歲適大旱有禱立應遂為豐年理民田為豪強所據久而不歸者諭止婚姻之訟積數歲不決者它利害有當興除方次第舉行俄奉省檄詣溫台兩郡臨給鹽場工本七年秋執事於鄉闈甫畢復俾馳傳督閩中稅賦以疾還上海八年正月十三日卒於所居之廨舍享年六十有九以某年某月某日返葬錢唐縣欽賢鄉西溪花塢先墓之西娶唐氏宋朝請大夫天麟之孫女前五年卒合葬焉子男一人肅女一人適宜興壻

榜早卒孫男繼善君明敏出於天性豪邁不羈談辯絕
人娓娓不倦好客之名聞于四方自儒釋老氏至於岐
黃汜勝之書無不讀嗜古彝器法書名畫其書篆施於
金石爲尤宜奉贄幣求之者無虛日禮部尚書泰不花
嘗爲扁其所居曰清容軒因自號清容野叟所著有清
容軒手鈔若干卷樂善齋集若干卷古文韻選若干卷
古印史一卷藏於家君入仕時年甫十有六至四十有
三始被初命及出佐一縣已六十有七矣間一歲遂不
起上患不遇君可謂有所遇否乎後來者居上而君僅
止於斯天乎人乎肅以狀來謁銘謹撫其所述附以平

昔所知者序而銘之銘曰

先發而後至進難而退易不汲汲於富貴類依隱以玩世爵爵而不衰者浩然之氣俯無怍兮仰無愧不羸于躬兮來者之界

武畧將軍海道漕運副萬戶曹公墓誌銘

曹氏之先出於宋名將冀國武惠王林南渡時由汴徙吳今居平江常熟州之祿莊里者號福山曹氏最爲望宗聚族二百餘人仕國朝多顯者而公之曾大父昌大父通俱晦迹弗耀父文富始以公故贈武德將軍平江等處海運千戶驍騎尉追封長洲縣子母王氏追封長

州縣君公諱某天姿剛直動必由禮事親善色養以孝
謹稱服用尚儉素戒子孫以爲法治家井井有條積而
能散私帑不蓄羨財聞人有善喜形於色不啻出於己
里中俊秀貧不能就學者必周給之不喜暴人之惡有
小過必委曲化導使知自悔鄉人有不能制其僕子者
公呼之來前諭以人心天理其子感悟卒爲善人公每
謂人生於世但當設心坦夷仰不愧俯不忤足矣奚必
泥古人之陳迹事事求合乎識者以爲名言年踰弱冠
猶未有宦達之意會朝廷創開海道以通漕運首以材
異而服其事大德四年制授金符敷武校尉海道運糧

千戶秩滿授元降金符遷嘉定等處海運副千戶公律
已以廉處事有法所部之人咸畏而愛之嘗開洋而遇
風濤大作舟人震駭公神色自若徐喻之曰委質爲臣
當忘身而徇國進思盡忠天必佑之衆莫不服其量大
付或以事咨詢於衆多俟公言而後定至大三年超授
金符武畧將軍海道漕運都萬戶府副萬戶公數以漕
事往來南北而深察其利害視事伊始凡所興除公私
咸以爲便四年夏部海艘八百所漕米以石計者百七
十四萬八千六百四十有九晝旗宵柝號令肅然舳艫
相銜首尾不絕旬日之間已達海口舊傳海道有神司

之人恃以無恐公蠲潔致禱感應如響有相之道焉王
音獎諭宴勞錫予視常歲有加人以爲榮而公雅志恬
退既受代即屏居丘園優游自適幾若與世相忘同列
有惜其去者言於當路乞挽留之至治二年有旨起公
爲平江等處海運香糯所千戶三年夏督運至京師賞
賚充渥廷議復用公爲萬戶未命而公遽以疾卒泰定
元年四月某日也享年六十以其年某月某日葬于福
山塘之西丘公垂屬續命割上腴之田一百九十有八
畝築精舍擇方外之人主之俾以歲入供晨香夕燈汛
掃百須之費頌語諸子曰吾不以身後事累汝也夫人

吉里三卷九
六十一

蘇氏封長州縣君以禮自持克配君子嘗發私笈造輿
梁以濟行者成公之志也子男八人長文華將仕佐郎
平江路崑山州稅課大使贈奉訓大夫徽州路婺源州
知州飛騎尉追封吳縣男次思聰將仕佐郎兩浙都轉
運鹽使司水嘉場鹽司丞次思溫徵事郎温州路稅課
提領次思恭不仕次思賢將仕佐郎平江路長洲縣尉
次思忠次文英次思問皆未仕女四人孫男二十人文
華長子珪韻公職佩金符爲忠翊校尉平江等處海運
香糯所副千戶次埜仙由也里哈溫必闡亦累遷從仕
郎宣政院崇教所知事餘皆未仕曾孫男三十人初武

從府君早世王夫人躬靡它之誓教育其三子訖有成
立長即公次良玉承務郎真寧等處稻田司提舉無子
公命以思賢爲之後次濟滿從仕郎常州路宜興州判
官贈集賢脩撰承直郎公沒二十有六年而珪來京師
以銘爲請蓋公先三世皆厚施而不食其報故公遭逢
聖代克承天寵文辭必發乃理之常雖所用未究而諸
子嗣有名位適孫遂世其官餘慶所及未見其止推本
積累之自而昭示于後人所以使之引而勿替也銘其
可無作乎銘曰

海於兩間爲物最鉅孰能以力與爲勝負有偉曹公孔

天吳山
脫一

元本卷
三十九

北

敏具武出長萬大訓齊行伍風檣浪楫若鵬斯舉精忱
所格百靈呵扈天吳閃象莫敢予侮千艘並集灌輸天
府克有成績徹聞當宁傳宣宴勞秩秩樽俎筐篚之將
便蕃錫予公不自矜翮其遠翥鋒車召還不留不處爲
官擇人委以印組上方用公還領故部公忽已仙返于
帝所有子成考咸躋官簿惟時聞孫大纂遺緒從事賢
勞無忝爾祖如漢世官氏以倉庾福山之西匪堂伊斧
史官勒銘垂輝千古

華亭黃君墓誌銘

始予校文鄉闈華亭黃璋首以薦書北上試有司不合

而歸益肆其力於學無少懈及予起自退休入直詞林
被旨預聞試事璋以再薦而來竟不偶予能得之於二
十年之先而不能不失之於二十年之後方用自媿而
璋殊不以欣戚累其意踏予門拜拜而言曰吾家上世
未有以官業知名於時者璋卅歲就學吾大父暨吾父
延名師開導而飭厲之甚至庶幾躋攀分寸爲閭里之
榮而吾大父已不及待大父沒且葬十年而吾父未有
以表于丘隧盖有望於璋而璋又鄙劣不克自振無以
復于吾父失今弗圖懼久遂廢缺辱賜之一言俾吾大
父沒而不亡吾父亦有以自慰璋雖爲明時棄物無憾

也予竊矜其志而嘉其言之有禮乃序而銘之序曰君
姓黃氏諱允恭字敬翁松江之華亭縣人自曾祖昌祖
原長父文榮逮君皆弗仕君為人謹厚而嚴恪服食不
事侈羨江南新附之初愚民未洽於教化多相率為盜
君年二十餘痛其家焚掠無遺夙夜苦心勞形期復先
業絲蓄粒聚家以苟完父益克裕或有急而求假貸必
如其請貧不能償則折其券與人交篤於信義或以非
理相加忍弗與校也性至孝母吳氏年垂百君之年亦
踰七十温清定省未嘗輒廢遭喪致毀不嫌其過乎克
歲時子孫捧觴為壽必諭以勤儉保家為務元統元年

有詔旌高年耆德之士府以名上于行中書省命縣長
吏詣其家表署如式御史安公爲大書其里門曰旌德
云君結廬先隴之側優游息偃既壽而康出入動作無
異少壯時偶感微疾而遽弗起屬續神識不亂大歎而
如生其善自持養可知也君生於宋寶祐元年十一月
十八日卒於今至元五年二月十八日享年八十有七
以其年三月某日葬于胥滿鄉泖環里父墓西若干步
娶許氏子男一人曰鉞璋之父也文一人適許庭芝孫
男三人琛本君庶子命爲鉞之子珪無錫州新安巡檢
璋以天曆二年至正四年兩取鄉薦今用特恩當補官

未調女一人曾孫男三人女七人玄孫男二人女一人
予聞之歐陽子曰爲善無不報而遲速有時君積累之
素傳于再世以其時考之不爲不义矣爲善之報果何
如哉姑爲之銘使刻以俟銘曰

絜君之先未有顯聞積善自躬傳于及孫既蓄既播而
又肯獲不以無年輟而弗作其種其種物之不齊曰至
而熟食之有時惟銘可徵刻此貞石告于後人用勸無
慚

南稜先生墓誌銘

先生姓王氏諱炎澤字威仲學者因其別號尊之曰南

後先生其先系出太原五季時自會稽徙發之義烏者
彥超官至節度使其諸孫固早遊安定胡公之門登皇
祐五年進士第宋三百年縣人取科第自固始卒官恩
陽令石正言知制誥李公清臣銘其墓固諸孫從用生
說贈宣奉大夫工部尚書郭公三益表其墓說生永年
喬年永年登紹聖元年進士第嘗仕于京師而僑居于
濟南後復歸義烏而占籍焉終于中大夫知福州文安
縣開國男贈正議大夫子鑄通判嘉興府贈金紫光祿
大夫儔從政郎嚴州司法參軍娶陳忠肅公子直秘閣
正彙之女其沒也正彙誌其墓鑄子寧提舉廣東常平

四下天

茶鹽贈中散大夫寅歷知宐連藤柳峽饒江七州積階
朝請大夫喬年子濤承奉郎濤子寓江東轉運司幹辦
公事其世序官闕見于譜牒如此餘以賞延入官十有
五人其通朝籍部郡符者不可悉舉運幹則先生之高
祖也曾祖諱誠祖諱衛道並潛晦弗耀考諱濟以景定
二年應薦爲國子免解進士妣葉氏軍器監丞夔路轉
運判官綦之孫女通齋隱君由真之女先生少嗜書稍
長治舉子業穎出儕輩間運去物改而塲屋事廢因得
專意探索聖賢之微旨家庭所受既得其素而通齋爲
外大父又從徐文清公傳考亭朱子之學風聲氣習之

所有感發尤多而操行愈堅窮居約處開門授徒絕口
不言仕進久之乃用部使者察舉起爲東陽常山兩縣
教諭遷石峽書院山長所至以善教養得士譽在石峽
歲餘卽棄官而歸徜徉於家林逾十寒暑至順三年八
月十三日以末疾卒享年八十其年十月十日葬縣南
崇德鄉湖陽山先墓之次先生氣貌充偉而襟度踈曠
待人一本於誠言論磊落無所隱蔽莫不敬服焉爲諸
生講說務推明其大義不事支離穿鑿文簡質而主於
理詩極渾厚而間出竒語不屑以雕刻工也有南稜類
藁二十卷初考君無子嘗鞠其族子而弗克家復選族

人得先生以爲子俾盡有其田廬先生舜曰凡爲人繼
嗣貴能紹其先業耳田廬固非所計而田廬之不均先
業未有不曰以陳者也考君賢其言卒成其志而均給
焉族黨以是多之娶傅氏前三十年卒先生之葬實同
兆域子男二人長良王常山縣儒學教諭次良珉女三
人適傅保許文俊傳復享孫男四人格禕補初曾孫男
三人良玉葬先生殆將兩紀乃來諭於潛曰先人家居
教授前後及門數十百人而無顯者不朽之託非子其
誰頌以子方効官於中外未遑有請子旣得謝而退失
今弗圖懼流風遺範日就堙沒謹命次男禕疏其行實

以俟采摭而論撰焉潛竊惟吾里衣冠望宗莫有先於
王氏文獻之相仍亦莫久於王氏先生引而弗替畀付
有人見其進未見其止豈必亮都高位而後爲能世其
家也哉潛自總角忝預弟子列今也髮種種矣嗟逝者
之如斯愧前聞之荒落言不能文而義不敢辭銘曰
婆女之壻孝子之里以儒起家肇自王氏世科世祿恒
不乏人重珪疊組萃于一門是似是續蟬聯十葉復抱
遺經脩其世業先生承之弗墜益振如木有本如水有
源教施於鄉佩衿濟濟道之將行乃止不仕尚克有子
而又有孫餘潤所蒙有林彬彬趾美于前垂休于後嗚

呼先生是謂不朽

贈承事郎同知奉化州事葉府君墓誌銘

君諱應咸字心可姓葉氏處州麗水縣人葉於處為著
 族君十世祖襄自松陽徙麗水遂占籍焉高祖冠宋季
 再領鄉薦善言性理而尤深於易有起進士至敷文閣
 待制者曰宋其伯兄也曾祖一鳴舉進士未第而卒祖
 正大登仕郎父天與仕皇朝為美化書院山長秩滿當
 教授一州輒棄不就母青田潘氏宋秘書丞復之曾孫
 女君少有經濟志嘗慨然曰窮經將以致用也非精無
 以造微非篤無以道遠乃發先世遺書朝誦暮習允聖

受授之與古今治忽之幾至於儀章度數圖書曆象靡不研究山長公知其將適於用試使綜理家務外內脩飭日有餘暇山長公正衣冠坐堂上子孫環列左右俾君援引經傳典故參以當今事宜而訓戒之雖隆寒盛暑不廢前史官鄭陶孫以子壻銘登仕公之墓稱君通朗秀潤詳雅善幹蠱人以爲無媿辭科舉初行有司以君充賦試不合以親老不復入塲屋專意色養其占之奉必夫婦躬親之或燕飲它所遇時新之物未薦於祖未進於親者則不敢嘗子守以爲法天曆戊辰山長公卒旣祥禫益不出築室萊山之西扁曰肖堂蓋山長

公自號則堂君示不忘也母氏生君而卒君始生之日
則母之諱辰每至其日必變服號慟如初喪子孫無敢
言稱壽者始君既失所恃登仕公之侍人方氏鞠育之
及長事之如母奉繼母王氏曲盡孝敬撫弟有恩教子
有法第三子琛為通政院宣使至順幸禾以公事自上
京至江浙行省便道省侍君曰父子天性也五年一見
面豈不願為旬日之留然簡書有程小子初仕不可不
戒抵家之日即命遍謁先墓信宿遂行且告之曰能愈
加廉謹以自持則可再見我如今日矣琛去又五年未
及再見而君以至元乙亥四月庚申卒於家得年五十

不三臨終以山長公墓石未刻屬諸子緒成之語不及
他其又明年丁丑十二月壬辰葬于某鄉岑原之清風
臺去家五里而近娶同邑湯氏娶都縣尹垓之女有婦
德生與君同歲後君六年卒合葬焉子男四人長珂蚤
卒次玘後君五年卒次卽琛歙縣丞辟行中書省掾史
方蒲而遭君之喪服除乃得調今爲承事郎處州略青
田縣尹次瑾未仕女二人婚曰湯奎何達孫男六人女
三人曾孫男三人君所爲詩文有樓閣集一卷其言務
去健美而甘澹泊不事華藻以謂世好也琛官正七品
法當封贈父母如其秩至正九年春得請贈君爲承事

郎慶元路同知奉化州事君配湯氏爲宜人其明年琛
用治最受知憲府委以覈田於吾婺之屬邑會予歸自
京師乃奉君妹婚松江府儒學教授練時孫之狀來謂
銘狀稱君材可用世特以坊於孝養 不仕故所施

僅及其家傳曰是亦爲政矣其爲爲政君蓋有得其旨
矣惟夫知君之深是以言必以實而不苟過爲夸大可
謂善叙事者也予何能贊一辭庸俸著其語而作銘以
系之銘曰士之爲善兮不與名期積久必發兮名斯我
隄君則有材兮又有其時曷賈弗售兮卒以不施安常
處順兮乘化而歸儲祉實多兮嗣人之貽寵靈所加兮

長世光輝樹此碑板兮昭以刻辭

戚君墓誌銘

予爲仲咸銘其父墓後若干年而仲咸亦卒其子堯復
奉眷友朱濂之狀以銘爲請予衰年多感不忍銘人父
子而堯固請不已敢不諾君姓戚氏諱崇僧仲咸其字
也上世占籍婺之金華爲宋官族高祖諱如璠朝奉郎
知袁州軍州事曾祖諱宋祥從政郎廣德軍司戶參軍
祖諱紹入國朝隱居不仕私謚貞孝先生父諱象祖信
州路道一書院山長母朱氏前鄉貢進士環之女君兄
第二人兄某以材見推擇從事於憲府用例補官君獨

不以榮進爲念端居苦學間弄翰於詩文皆積麗綿密
可喜年二十有七始盡棄其學而從鄉先生許公講道
於東陽之八華山用意堅確蚤夜弗懈博通經史旁及
諸子百家尤潛心於儒先性理之說探幽發微必極其
其根柢而後已同門推爲高弟初袁州府君與從兄如
圭如玉並受業東萊呂氏之門而許公之所承傳本於
考亭朱子君以得於許公者歸而稽諸家庭之所聞無
不脗合自信愈篤克已厲行爲人所難能衣履食淡待
親朋一以清約不曲徇時尚而改其度每謂人知富貴
之可欲而不知貧賤之可樂也先廬適毀于蓄君備殫

勞勤以復其舊山長府君漫仕而非其志厭居闕閭
偶訪壻呂公汲於永康太平山中僑寓久之因君往省
遂卜居焉君性恬靜默坐一室環以書數百卷非有故
不妄出呂公既遣諸孫來學於君復創義塾聚族人之
子弟使就學委君主其教事君克謹師法持規嚴學者
敬憚之扁其室曰朝陽以表鄉土之懷人稱之朝陽先
生云君有春秋學講一卷蓋其少作晚歲所著有春秋
纂例原指三卷四書儀對二卷後復古編一卷昭穆圖
一卷歷代指掌圖二卷以六書之學世儒率置而不講
所傳經籍之文多致譌舛乃考許氏說文參以近代諸

名公之所訂定用古篆繕寫易書詩儀禮春秋孝經論
論大學中庸孟子將獻于有司而乞頒行於四方以儀
禮一經未既弗及上又嘗爲書言時政欲詣闕陳之亦
弗果行人見君高蹈物表目以爲畸人靜者而不知其
未始忘情斯世弟不屑苟售耳至正十三年十一月十
三日君以疾卒于太平其年十二月十一日葬於義烏
雙林鄉下頓後祝之原娶朱氏從事郎揚州路崇明州
判官復淳之女母氏之姪也有婦德諸子惟英非已出
撫而教之均壹無間前三十年卒君之葬與之同兆域
子男五人長郎英次蒙次莊次莞次多早卒女一人適

金華貞逢慶亦已卒孫男一人訢遷尚幼堯懼君之遺志逸行無以表燦於世故求託於銘以傳予竊以為古之歿而不亡者在乎承之得其人不係乎銘之有無也君多男子能讀父書它日必有出而顯其親者姑為之銘俾刻石以識焉銘曰

厥之家學宗呂氏百年遺學君克嗣私淑諸人祖朱子遡其承傳歸一揆君先群從皆進士季由師氏為刺史流芳五葉未渠已孰無望君復其始時之可行君則止世其學弗世其仕杜門著書逾兩記書成未出君不起俛以銘章示源委後人毋忘趾其美

清江先生集卷之二

樓文翁墓誌銘

君諱如浚字文翁姓樓氏樓之得姓出於東樓公子孫
散處四方皆為官族在黎之竹山里者吳有侍中玄散
駙常侍曠宜威將軍陟齊有給事中幼瑜梁有侍郎偃
名見史傳國志竹山後更號智者里降及近代亦有擢
儒科通朝籍者君之曾大父諱幹大父諱紹祖父諱某
雖不世其官業所居猶故里也母陳氏君本黃山童氏
子出嗣樓氏江南新附之初人心未寧愚_也因而構亂
本生父死焉君方髫鬢能以智自全鄰人適見而負之
以歸衆皆駭歎以遠大期之甫踰弱冠復罹家難母子

相依以續前人之遺緒君謚見多出人意表族人或忌
之君伯父謂曰是兒骨相不凡它日將亢吾宗宜善遇
之君自少讀書不習爲記誦詞章以希世取名而能知
其大意故其事親孝奉先有禮且善治生有餘力則推
而及於族姻鄉鄰作義塾以教其子弟窮乏則周之舅
氏嘗託其孤於君始終經紀其家事纖悉備至大德丁
未歲大饑道殣相望賴君以活者甚衆間出粟貸之踰
年而來歸所貸皆不取息貧不能償亦不問公上之徵
歛必先期而集尤謹於將迎縣大夫有所詢則別白是
非以告而無隱有陰受其賜而不知者人有患難赴之

恐後而無德色居常以氣槩自高而性本自寬厚有雅
量人莫不樂與之交四方賓客之來留連款洽無虛日
母年九十而終治喪寧過平厚會葬遠近畢至姦管大
俠閭里惡子譁計成風人多以小不忍務力勝之君悉
不與較順受之而已久而各自悔服無敢復相侵侮矣
同邑質相折者惟君家久而獨完君素有幹局精力過
人廉通當世之務而安於素分無慕乎其外人勸以仕
皆不聽至正壬辰朝用兵誅反者出粟二千餘石遺其
子輸于官以佐軍餉有司劾上其千名轉達於中書乞
授以官君聞之殊無喜色蓋非其始望也中歲頗好老

疾疾年既耄而耳益聰日益明飲啖步履不異少壯
時蒼髯如戟氣貌充然其所養可知矣將終命悉焚積
遺之券細書累紙區畫後事雖細不遺氣息奄奄猶據
榻危坐左右懼其疲憊扶之就枕乃瞑君生於宋咸淳
庚午正月二十七日卒於今至正甲午五月十二日享
年八十有五娶王氏先二十三年卒次葉氏子男六人
長國華保義副尉湖州路德清縣主簿次士祥次璋管
領拔都民戶總管府王龍千戶管民司長官皆王氏出
次士庸衢州路開化縣儒學教諭次士毅次爲許氏姪

後更名煥女二人孫十五人鉉錢鋼欽鈞鈇鈇鈇鈇
鎮銓鱗鐘鏐女七人曾孫男一人淮女一人國華等卜
以君卒之年十月十八日奉柩葬于所居西五里東塘
山與先室王氏合前期以傳生藻之狀問銘於予今年
春傳生來自君所徵予同游金華之法華山并高望遠
襄徧久之明白還過君家止予宿張進驪酒促席道舊
故追計之不至君家已二十有六年又明日君欲復與
游嵩頭陀智者國師道場上清五雲龍壽諸山予以興
畫留詩為別而歸孰知遂成永訣乎予少君七歲而蚤
衰行將與草木俱腐何足以任不朽之託乎雖然詎可

然忘言乎輒因狀撮其大要為銘以畀之聊以抒予
哀云爾銘曰

嗚呼文翁素分之安雅量之寬處世能順保家能完養
生能壽教子能官人一能之斯以為難翁之於是殆幾
乎全其可以無傳耶

許君墓誌銘

君諱熊字吉甫姓許氏婺之東陽人晉孝子攷之裔為
近代衣冠鉅族居邑之南者曰南許廬之西者曰西許
而君之先居昭仁里之梅峴則由西許而支分也宋宣
和中睦寇猖獗八世祖瓊集丁壯捍州城有功補秉義

五十五

郎以城中食盡援絕力戰而死鄉人爲立廟而祭之曾
大父諱崇之大父諱元凱父諱文奎值宋社之阨危群
盜充斥挈家僑寓州治西南之桐齊坊而君生焉其復
歸也君生六年矣即使就學朝益暮習孳孳不懈父性
方嚴君左右敬承克盡子職特鍾愛焉長兄喜爲伯父
後雖異居而有無相通不以彼此爲間仲兄勲與君同
業業凡理家務應官府之需皆君獨任其勞而遺之以
逸仲兄儻好客終日趨待無厭倦之容仲兄歿止一
子甫十歲教育之至於成人而授之室君於族黨以歲
時會拜正尊卑之分以祭祀飲福序親愛之情貧婁則

加周郵推而及於鄉鄰凶歲賴以獲全者甚衆遇急難
必扶持拯救之事之以義起者輒欣然爲之倡每誦昔
人寧人負我無我負人之語故與物無忤樂道人之善
而不欲指擿其過人以是稱之君鬚眉秀爽氣貌端重
平生安於素分而無慕乎外自號樵隱以見其志焉君
生於至元戊子二月十一日卒於至正辛卯六月十一
日享年六十有四以其年十二月十五日葬家南五里
之西許山遵治命也娶義烏徐氏寶謨閣待制文清公
之曾孫通判 州縛之孫江東總領所幹官通之女子
男五人忻恂悌恒懽孫男七人震高家高大有巽高大

同益高鼎高女六人長適同邑陳應昌餘在室君孝友
出於天性父無恙時愛西山之勝有終焉之意欲購其
地不可得及既歿而葬于柏墩其人始以地來售乃營
兆域改葬而治冢舍於其旁以酬先志按儒先遺法創
祠堂於所居之左而饋薦以禮八世祖廟久壞弗葺發
已橐撤而新之仍畀以祭田若干畝俾族人之無所歸
者掌其祠事月有廩給焉又以外氏徐文清公之本支
彫落將爲之立後建祠有志而弗遂也君葬後三年忻
寺以婺州路儒學正王君龍友之狀來謁銘王許故有
連君之父與王君之伯氏御史公同師事鄉貢進士石

先生而王君又與君二兄繼登先生之門故知君爲最
詳狀所述其目有八文繁不可具載謹撮其大要以爲
序而銘之銘曰

嗚呼許君學足以持其身行足以律其家接物常存於
寬厚處世不奪於紛華豈非所謂一鄉之善士者耶

退藏山人趙君墓誌銘

君諱若磬字仲和姓趙氏其先於宋有屬籍君所祖曰
德雍天平軍鄭度觀察留後咸寧郡公贈宣德軍鄭度
使同中書門下平章事兼侍中追封廣陵郡王謚康簡
實魏悼王第四子廣陵生承亮感德軍鄭度使秦國公

贈樂平郡王謚恭靖樂平生克愉封魏國公謚文思文
思生叔蒞內殿承制承制生聖之南渡初自開封徙衢
州終於大夫累贈正奉大夫正奉之子承事郎平
江府常熟縣丞公傳則君之高祖也娶婺州蘭溪徐氏
又自衢徙蘭溪之甘棠鄉新豐里曾祖諱彥鉷迪功郎
福州長谿縣承祖諱盱夫從政郎處州遂昌縣令父諱
時堯本成忠郎憂夫所生於常熟爲曾孫故遂昌育以
爲子母徐氏主管尚書禮兵部架閣文字介之孫女君
幼開敏授以書輒能通大義年十有二而宗國顛覆又
二年而失所怙時新附未久君朝夕奔走以聽科錄恒

惴惴焉恐不克保其家。震黨莫爲之援，反侵震之母。子
相頽憂蹙，弗堪。君不得已，俛首刀筆間，漸以禦外侮。遂
僑居於群城，既而見推擇爲主簿，吏數辯繫者之寃，所
活數十人。部使者以爲能，陞本郡列曹掾。用例遷衢州
府公之賢者，咸加禮遇，而權貪以不附已，深銜之。君強
直自信，無所回撓，竟不見容。而免君太息曰：始吾以門
戶多艱，姑寓迹於是家，幸稍寧，不貽親憂，可以止矣。乃
歸理舊業，因以退藏自號。君家居孝於母，友於諸弟，尤
篤於教子。待姻黨有恩，未嘗以疇昔之故爲芥蒂。人有
善，必亟稱之。至赴人之急，雖莫夜風雨，無所憚。母年

七十四而終遷父柩合葬東陽縣懷德鄉之勝湖山且以其自號者扁諸墓廬云君疾既革命內外靜默無譁惟戒其子嗣鴻以謹祭享保丘墓言終而卒重紀至元之二年九月三日也享年七十有二娶陳氏何氏李氏何氏太府寺主簿自之女前君三十年卒陳氏有子嗣淇與俱後君五月卒子男三人長即嗣淇次嗣鴻嗣滋皆何氏所出也女二人適金華楊森翁義烏陳善新孫男八人古忠古憲古愚古怡古性古懌古恒古悅女六人共四已行二尚幼君歿後十年是爲至正某年嗣鴻乃克治地於金華縣婺女鄉芙蓉山之原卜以其年某

月某日奉柩以葬爰狀君行踏予門再拜而言曰始先
 人遣嗣鴻受業于鄉先生許君語嗣鴻曰吾衰朽無成
 汝兄既早失學汝弟又以疾廢三百年詩禮之傳天其
 或者不汝絕乎汝其勉之嗣鴻無能奉承教命大懼世
 叙之可徵者子孫日遠日忘而先人之承其先開其後
 者無以昭示於永久願備叙而銘諸予既荅拜遂按狀
 所述為之序而系以銘俾歸刻焉銘曰

行其權曲以全執其節剛以折晦而明心則亨歿不朽
 惟有後

元刻有字句二行有收無刻也

按銘文義已足似無脫語

承務郎松江府判官致仕王公墓誌銘

公諱肖翁字傳朋姓王氏世爲婺之金華人宋太師左丞相魯國文定公諱淮之玄孫中大夫太府卿贈少師東陽郡開國公諱棟之曾孫中奉大夫直較文閣福建路轉運計度副使金華縣開國男諱似之孫朝奉郎將作監主簿諱琦之子也公生而岐嶷長益清敏才學兼茂爲宗邦所欽仰又其姿表明秀風稜醞藉雖當乎運去物改之餘望而知其爲相門子弟矣起家衢婺二郡儒學錄大德中陞婺郡儒學正考滿當得教授一郡而國制教授必年艾以上始得爲之公名上天官蓋未四十也是時奎章閣侍書學士蜀郡虞公集與公生同歲

亦以儒學正滿考同在選中而年皆不及格有以常制持之廷臣言虞集雍忠肅公孫王肖翁魯文定公孫皆前伐名宰相家子且學藝不群不得拘於常制於是虞公得教授京畿而公爲靜江教授南方歎暑多瘴公到官居亡何即移病而歸家食十年延祐末復起教授南康會白鹿洞書院山長缺郡守崔公翼之請公攝山長事書院久廢公爲復興之新其屋宇廣其田租而來學者滋衆士譽翕然至治初辟江西行中書省掾史贛人有因覈田虛增糧額萬餘石而生變者事數年不決公以謂民變雖靖而糧之虛額宜在所必除儒學官待

選者以千數先是持選衡者皆頽憚不敢理日致壅滯
公閱選簿爲之銓注數日而畢由是宰臣器重之惟其
言是用休聞以彰泰定四年積年勞除將仕郎海道都
漕運萬戶府知事海道歲漕東南百萬之粟供億京師
以軍興法從事其任至重自漕師至僚吏率以選居
居幕中三年上下克協漕事訖辦僉以爲能仍紀至元
二年轉從仕郎嘉興錄事適歲侵部使者檄公行視田
公爲具實以聞得免荒租數萬石它州郡有奸利事部
使者悉以委公決公決之無或不當者惠利及人甚衆
政績益著未幾屬疾請致其事遂以承務郎松江府判

官致仕命未下而公卒其年十月終已也享年六十有

五以五年二月壬寅葬于金華縣教女鄉施家塘之原

公娶唐氏子男六人長萱泉州德化縣主簿次藻杭州

路海寧州判官次蘭鎮江錄事司判官次荃次葵次葑

奉化州儒學正女三人長適劉文同次適申蔓次適吳

儼孫男十二人女八人公天性孝友事親無違禮養寡

姊弱甥無失所者教諸子必由於禮法家庭之內肅然

有儀所得祿秩多以周親黨振貧乏內顧不足不以爲

累高懷雅興一寓於詩而尤善筆札論者謂其酷似吳

傳朋短章醉墨人爭寶愛之初魯公在淳熙間又居相

位是時南北講解中外無事一用柔道佐時絀尚利喜
功之說以休養其民人以故百年之間江左元元得以
養生迭死而無憾南渡以還論相業者莫於斯爲盛魯
公之從子是爲文憲公柏實學於黃文肅公榘以傳考
亭朱子之道統而敷文又受業於文憲以及撝堂劉先
生炎雙峯饒先生魯其學皆本於朱子於是言道學者
推爲朱氏之適傳矣維公之生上承世德相業之隆道
統之重萃于一門者家庭之所見聞爲多而累世文獻
之傳逮于其身不可謂無所託也惜乎不大顯融不足
以究其志之所就然論天道者謂王氏宜有後而公侯

之子孫當必復其始後之來者尚有徵焉銘曰

大山穹林良材所生世家名閥是生賢能娶衣冠家孰
盛王氏相業道統聯徽韻軌奕葉載德委祉于公公繼
承之文獻在躬際今昭代仍有祿仕用世其家克濟厥
美君子之澤維衍益延曷觀水木繇有本原斷石刻辭
爰誌陵谷尚其嗣人是似是續

故處士金華王君墓誌銘

君諱蕙字光庭姓王氏其先太原祁人徙婺義烏之鳳
林鄉又自鳳林徙居郡城凡六世至宋政和間有以進
士起家者曰登卒官湘潭令贈太師魏國公於君爲七

世祖魏公之仲子曰吏部尚書贈少師莊敏公師心丞相魯國文定公之伯父君之六世祖也曾祖諱僑迪功郎台州臨海縣尉祖諱琰將仕郎父諱崑入皇朝爲婺州路廣盈庫副使君六歲失母攀號頓踣寢食俱廢哀慕沒齒不忘里中偶不戒于火君年甫十六亟詣家廟奉遺像以出宅悉寘不顧東軒書院祠堂由始祖而下不以世數遠迹爲間咸合食當屋壞弗葺君繕完使一新且割田爲經久計先墓祭田族人迭主之春秋之事或廢不舉君爲修其缺墜惟謹念上世獨莊敏公有傳在太史氏其後累世歷官行事年壽卒葬皆未之有

龍泉章府君墓碣銘

龍泉章府君以至治辛酉八月壬申終于家後八年當
天曆己巳十二月己酉夫人李氏亦卒又二年至順辛
未七月庚申合葬縣北西寧鄉古萊山之柯林墓上之
石未有刻文又十有一年其子遇孫以狀來謁銘予雖
不敏嘗執筆從太史氏之後以文字爲職業不敢以不
敏辭按狀府君諱格字元壽姓章氏其裔出康州刺史
鵬刺史居泉之南安未幾徙浦城再傳至檢校太傅仔
鈞仕于閩王朝其子若孫多顯融于時章遂爲建之著
姓太傅第三子檢校司徒仁燧生校書郎文錫文錫生

都官郎中重又自浦城遷處之龍泉重生告告生順順
生公探公探生世安世安生舉舉生宗宗生輔輔生聞
義聞義生用之則府君之高祖也用之生強宗強宗生
煥文煥文生斯立則君之曾祖祖父也府君自高祖以
來咸不樂仕進壹以儒術自娛至府君尤能外去聲利
高蹈物表白髮蒼顏衣冠甚偉見者皆指爲前代人然
不以弗仕而乖恤民之志性篤嗜黃帝內經甲乙靈樞
之學晝夜研劘之弗厭多居善藥疾病者疔瘍者咸走
藥之而不求其償或訕府君曰行藥如行師將非其人
則民生趙醢子非世習或證不宜藥藥即殺人柰何府

述將狀其實請于時之聞人有志而竟弗遂君平居孝
於父友於兄弟推以及其宗族尤樂周人之急薦於愛
子而訓誨甚嚴臨終戒之曰汝能以孝友繼吾志吾死
瞑目矣君幼穎異稍長受業儒先尤精於音韻文字之
學有司以君善譯語薦于翰林而君以侍養辭不就遺
榮自適優游卒歲未嘗以窮達動其意也君生於至元
己丑正月十七日卒於至正甲申閏二月二十三日得
年五十有六娶戴氏子男三人浩存元功漢章女一人
許嫁曹道寧孫男一人女三人其明年乙酉九月十六
日浩存等遵治命奉柩塋金華縣婺女鄉槐龍里馬鋪

嶺先塋之次其塋也浩存既刻石誌歲月復介予友張
君樞來謁銘吾婺故宰相家無若魯公之族最爲蕃衍
衣冠奕葉後先相望至於運去物改出而仕今 聖時
者猶彬彬焉積累之素固非一朝一夕考其源委則功
烈著于當世福澤被于後人實自莊敏公始德厚流光
餘慶未艾而君謙冲退託如弗克勝與世浮湛耻於銜
褻觀其孝友行於家持身接物始卒無疵可以謂之全
人也已奚必傳珪鬲組然後爲能世其家乎銘曰
大山穹林良材生焉追彼斧斤以保其天孰終奪之膏
不使年樂哉斯丘尚歸夫全

君笑曰君言固當吾心將以已人之疾非若粗工然欲
售醫以爲市也彼蒼者天君詎知不吾佑乎閭井之間
倚府君以生者甚衆果不違其言府君孝友出於天性
父齡逾八十不良于行雖多僣媵府君朝夕給侍左右
未離去父既歿奉其愛姬如母人疑府君爲過府君曰
父母之大馬亦當愛之况人乎哉聞者嘆服親屬有利
府君多金者數至豪奪巧攘府君笑弗較居亡何又構
誣府君倚官勢而鉗劫之府君曰子何必爾欲金當持
去又弗與競於是大慚服不敢復有所^侵文府君不嗜酒
每嘉賓至必陳壺觴以爲燕樂共談歷代治亂纏纏如

貫珠聽者欣然忘倦客或沉酣擊節爲長歌亦弗之厭
蓋府君局度凝廓遇物有容類如此夫人出於宋之宦
族克相府君以成厥家而所以奉尊嫜和娣姒飭子孫
又各盡其道人有貸錢者久不能償輒勸府君焚其券
府君享年六十有三夫人之壽視府君而羸十有一焉
生子一人曰遇孫女一人錦川季源其婚也孫男三人
曰珪曰璋曰溢惟府君生於簪纓之胄雖不出仕以流
聲問于時然在家以孝友稱其存心復以澤物爲務揆
於古者肥遯之士亦若斯而已如府君者可使泯泯而
無傳哉是宜銘銘曰

澤則有蘭兮山則有薇我采我食兮我佩我衣銀黃雖
貴兮獲之或非曷惇孝友兮保家之肥我民疾痛兮况
切我肌完其熙醇兮起其枯羸人已一視兮我道在茲
萊山鬱葱兮有石如脂昭幽廓替兮勒以貞辭

青檀居士鄭君墓銘

至正癸巳秋九月十又六日鄭君子敬卒于家其子渙
以冬十月二十又七日葬君于浦江縣東三十五里閔
子塢之阡今年春二月五日奉太常博士胡助狀來徵
子銘按狀君諱欽字子敬姓鄭氏青檀其號也其先出
後魏建威將軍擘擘生中書博士茂茂生白麟有七兄

第號七房鄭氏皆多子孫謂白麟之後不傳者失之也白麟十六世孫宋歙縣令疑道始自榮陽遷于歙疑道子殿中侍御史自牖復自歙遷遂安牖生秘閣校理安仁安仁生淮又自遂安遷婺之浦江今爲浦江人淮生照照生冲素處士綺綺字宗文通春秋穀梁學撰穀梁合經論三萬言事父母甚孝父以罪繫獄當入死綺上書郡守錢端禮請以身代母張病風攣綺保持若嬰兒但適廁必抱就之三十年弗懈教子孫不分財異費至今九世無敢違其言朝廷旌之爲孝義明綺生聞聞生運運生政以孝謹稱淳祐中大疫有至戚明者人

恐惑四奔父子不相顧恤政與妻賈奉病母陳益勤終
無他虞政生德璋處州青田縣尉德璋生大和建康路
上元縣龍灣務提領君之父也龍灣厖疑端恪有魯騶
士君子之至行其司家事嚴而有恩雖家庭中凜如公
府子弟小有過頌白者猶鞭之每遇歲時出坐堂上君
帥群從子皆盛衣冠鴈行立左序下次進拜跪稱觴上
壽畢皆肅容拱手自右趨出足武相銜無敢參差者見
者謂有三代遺風雖石奮家有所未及名聞天下自
皇太子暨丞相諸公卿多作大書及賦詩以美其行部
使者武威余闕行縣以其孝友七郡或莫之復先篆東浙

第一家以褒之蓋大和喜學君益左右之得一言必籍
記而力行之冠昏喪祭壹從朱子家禮而老子浮屠悉
罷弗祀子孫後化馴行恭謹不知墨市涼薄事執親喪
哀甚三羊不御酒肉食貨田賦之屬各有所司無敢私
凡出納絲毛事有文可復按日則會不公則監視發之
諸子晝趨功入夜則聚棗華軒中温温語笑至更餘始
休雖列顯仕不敢挾以自驕諸婦但事女紅不使豫家
政內外極嚴輿臺通傳不敢越堂限然其所以致是以
龍灣親攬其綱而衆目之翁張則於君乎是賴及龍灣
采先世所行定著家規五十八則君復著續規七十三

則以補其未備文多皆不載初龍灣無子其弟心水府君文厚實生君即命爲嗣甫十三生母葛氏亡毀瘠如成人俄心水得羸疾君晝則侍湯藥夜則哭禱于天或謂人血能治之乃刺膚和藥以進然病已劇終莫能差君雖出爲人後而服喪三年痛悼終身但語故即哽咽不自勝未幾母周又病復三度熱頂灼臂以哀籲焉卒賴以安及長撫弟妹惟恐不至未寒而與裘先飢而推食雖盛怒中見之必欣然改顏弟妹安之不知身之早孤也遇一家如一身長幼有疾一夜六七起或竟夕目不瞑病勢稍減津津喜溢眉宇間族子可出仕者資而

勉之至於已歸不起已得之者與弟銖同掌義財拓腴
田二千畝貯之嘉禧在中歲入其粟以爲婚嫁之費其
遇疏族則有續良之粟禦凍之衾胤絕者擇良嗣繼之
性敏者營義方教之至於卹異姓周窮匱又有推仁之
財免利之黍嘗自訟曰民吾同胞彼病吾病彼辱吾辱
吾可不盡心乎或陷危難奮身救之雖利害不顧有紛
爭弗決者得片言則曲直自明羅拜而去愚氓無知視
骨肉如塗人君至其家開陳大義至懇切處潛然爲出
涕民多悔悟自新君爲人外雖嚴肅而內多慈惠尚氣
節英特異常不能隨世浮沉喜於聞善勇於行義遇事

變通如丸之轉曾無滯留苟涉過差則批頰自訟故人
樂勸之以善道云有薦君才可用者君力辭焉家後有
古槿大十圍乃冲素處士所植者君每舍其下因以青
槿居士自號示隱操也龍灣既即世君哭之過哀因以
疾卒壽僅六十三娶傅福字世昌少房徐偉字妙英皆
前君卒同葬縣東二十八里之金村子男五溢渙瀛汪
灑溢瀛汪皆天孫男三桐村梅子家與君相去不兩舍
交君父子間者凡三世矣今年夏四月龍灣以疾不起
予來弔哭甫及六月而又哭君焉嗚呼天喪吉士何其
忍邪然君之二子能才猷自見群從子姓之賢者又

濟濟然各敦孝友之行以能保厥家則君雖亡爲不亡
矣昔者予旣銘青山之墓今復從狀所述備著君累葉
之美以垂勸於方來復系之以銘曰

猗歟鄭氏世有哲人君起繼之孝友彌敦九世同慶罔
間踈親旁推其餘卹我里鄰榮辱疾疢視同一身苟用
于時澤將被民旣弗欲展修于家門堂筵之上煦如春
溫百世之下善孰可泯有崇斯阡厥石維珉紀美揚休
以勗後昆

重刊黃文獻公文集卷之九








浙江圖書館善本

甲 登記號：031304

一九 年 月 日




宣統元年 壹月 拾 玖日





上海图书馆藏



Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black